


OOTECH Oochu  
TAKEHNIYA Tinkles  
ST. MARK



The Gospel According to Mark in the Beaver language of  
Canada

OOTECH Oochu Takehniya Tinkles St. Mark  
The Gospel According to Mark in the Beaver language of Canada  
L'Évangile selon Marc dans la langue Beaver du Canada

Public Domain

Language: Dane Zaa (Beaver)

Translation by: Rev. A. C. Garrioch

Contributor: The Church Missionary Society

Originally published in 1886 by the British and Foreign Bible Society. This book is now in the PUBLIC DOMAIN.

2015-03-17

Updates

eBible.org

---

PDF generated using Haiola and XeLaTeX on 23 Oct 2018 from source files dated 23 Oct 2018

5f7d1ab3-d1e6-527f-a8da-865af2d2e293

Contents

ST. MARK . . . . . 1

## OOTECH Oochu TAKEHNIYA TINKLES ST. MARK

### *Tghachyestla Ehlaiti.*

<sup>1</sup> Hatseto mawotich oochu Jesus Christ, Tikeaootli ma chue; <sup>2</sup> Takeh nichatinkles akehe koonachatya kehe, Oosooasi sakewotihche nachatyea atghuni oochu naaootle.

<sup>3</sup> Hligi otyesta tike kemweh toowe ooli,

Atghuni oochu ahasoonesun,  
aghaahati tsiwoeseh kwetooyakehe.

<sup>4</sup> John tane tukeghingklit kemweh, hatse tane tatilon tunaghakeoskliti ahtilon otlwechi keochelalon kehe aghametseli oneochetolel asilon. <sup>5</sup> Kahchu yinkhadeshalon tike okehe otsi Judaea, kahchu aghatane yateh otsi Jerusalem, kuihe sahke Jordan aghanetye tukukeghinklilon, koometselihi kooatuoochatih. <sup>6</sup> John ghatai manatsunne ghigheze gha eghayulon natun atyetlalon atazi syeh kahchu atazi syeh ihe nanihklulon: oochu yaskesi yu achalinoo yu ayilai yetsetlon; <sup>7</sup> Oochu toowe ooli yehtilon, yetsi ootelon, Hligi sooniya sataihchi anati, nakyeklule aghoo atu enasoo machi chunoostyeli mamakeoosut. <sup>8</sup> Suni la tu ihe naghakyeihklit: ahwole atai tu ihe naghakyeihlili Atsinde Oochu ihe.

<sup>9</sup> Oochu gheise wazeluh ayi dzine, Jesus otsidesha Ion Nazareth Galilee otsi, John tuyakeghinklilon Jesus Jordan otsi. <sup>10</sup> Kwete tu tsi tghatyeya tsiwohzon, wailon yake kwa matahatsataghiolon, yakeotine yetsi natezalon oietli etye: <sup>11</sup> Oochu otech yake otsi atitsuklon, toowela ooli oti ihe, Nila otaihchi nwasti Sachue.

<sup>12</sup> Kwete atsinde achu tike tsi yatehalon kemwehchi. <sup>13</sup> Koochi kemwehchi atu tane nuklechi tioketi dzineke kooali, yakaotehun Metseli aghaghatai; kahchu ghatai metseli ihkyateslon; kahchu oochu woei oochu yetsinatilon.

<sup>14</sup> Kootoo John kwechaghinhtyilon tane kwechaghinhtyinti, Jesus yuhchidesha Galilee, koohootyeh otech oochu Nagha Tgha makaonadzutti otsi, <sup>15</sup> Kahchu toowela ooli, Tyeneti Nagha Tgha kyeyi: naghamselihi kyechahli, oochu otech oochu aha kootahti.

<sup>16</sup> Ihtyeron tu chok Galilee tghamweh klontyeshya, yailon Simon yu Andrew yu mekye yu tyemil tavesku tu chok: atai tane taesku tane eli. <sup>17</sup> Oochu Jesus toowela ooli yehti, Sakyetahtyel, kooch hanahooslihi oochu hluge kehchi enahooslihi tane niyutooleli chon otsi. <sup>18</sup> Kwete taghatyemile echaghanelelon kikyeytshalon.

<sup>19</sup> Oochu oontsutli tontyo tyeshya, yaih James Zebedee machue, kahchu John mekye, atilon tachin ela ehkye atyi tyemil keyatinklulon. <sup>20</sup> Kwete tyechi yehtilon: kwa taghata echughanelilon tachin ela ehkye atyi Zebedee oochu keotihche yu, oochu kikyetyesklit.

<sup>21</sup> Oochu kochi ghatyestyel Capernaum; kahchu kwete taneghaotatyech kwa kwiya menejitti dzineneh tane chehotyeh. <sup>22</sup> Oneghanintyellon yaotihche: kooatinti yaotatiheh otech oochu tatihi natsuti kehchi ayihoo mawoochuli, atu adeskes tane kehchi. <sup>23</sup> Oochu iehi kweh atiih hligi teze ta kwa taneghaotatyech yaghati metseli ayiih; kahchu ootyestalon, <sup>24</sup> Toowe ooli, Atu aghaitaniah; atu ooli nagha assitli iyo aoohti, nuni Jesus Nazareth otsi? Yuhchitiyala aghayaonila? Atanasti nelesi Nagha Tgha Maatsinde Oochu ooil.

<sup>25</sup> Jesus toowela ooli yehti, yachioote, Atu oonatih yehti, setseghatayah yetsun tsi. <sup>26</sup> Kootoo aghaghatai tsunale too yayaghinchil, oohtye ootyestalo, yetsi hadesha. <sup>27</sup> Aghanetye ooghatesta, aghanetye chu koohtaghoati, tiyeohtye, yetike aloontye? ye tane tsi oochatih koonte? Aha kootesti otech oochu gha saghatai mayis atu natset. <sup>28</sup> Koochchu oonthe atyeh meghoyuh yito kwa Galilee.

<sup>29</sup> Ayite otsi, ghaghatestyelon taneghaotatyechi kwa otsi, kweghaghintyelt Simon yu Andrew yu kwa, James chu John chu. <sup>30</sup> Simon tsiyue ma tyelasaty teskoone ayila, oochu koohoohati. <sup>31</sup> Yehchidesha yila inchut, kahchu tahyatinti; kwete ayi teskoone ayila yecheli, ayi oota yakeotihch.

<sup>32</sup> Hatse kakhachi, naghioo, kiya nanila yatitine, yaghi chu mazichi yaghatai metselihi. <sup>33</sup> Kahchu atghe ehlaityi tane natihti tyechiklaghatati tusklahti. <sup>34</sup> Kahchu atghazi tatihi akooyilalon ayeeah natlone yehtanintyelon, kooyaghatai metselihi natlon oonteslalon; kahchu atu ketselihoohati wahti iyao-ohiti, achi atayatilon ayiwooh ayehti.

<sup>35</sup> Kahchu hatlindo, setsetho tsitike satalon, hadesha, kahchu koondehalon aghasuchalechi, kahchu iehi yachutatyeheh. <sup>36</sup> Kahchu Simon yehkyatehchi kikyehsteyellon. <sup>37</sup> Kikihtitsi, toowela ooli kiyehhtilon, Atghe tane ninkhaghanatgha.

<sup>38</sup> Towehchu yehti, Tane natehtsi otsidooshai kooche oohoostihi oochu, kootatooshigha lasasta aontye. <sup>39</sup> Kahchu tane tsiwoghintalon taneghaotatyech kwa kwe Galilee, kahchu atsinde metseli ghayatehalon.

<sup>40</sup> Kahchu machitatestyel tane tsusachi yaghoone yatsi nioununit, kahchu machi nachustachaklih, kahchu toowela ooli yehtilon Kooh koodinti ate oochu asaghoonlehassi.

<sup>41</sup> Kahchu Jesus, atyestastihito madzye tatilon nati gha tiesunni ihe, yetsi tahtatitichlon, kahchu yakatehtich lon, kahchu toowela ooli yehtilon, Kooh koosti; kwakoola oochu anatyeh. <sup>42</sup> Tsiwohon otatyech otye, susuchi yetselilon, kahchu oochu oohtyelon.

<sup>43</sup> Kahchu yatatilon tsiwohon itintiah, kahchu oochu tyehalon; <sup>44</sup> Kahchu toowela ooli yehtilon, Atu kahchu ooli ataoonti niwotine: kahchu achutiya, nazi yueh taneghaotatyech metihi, kahchu khaniah naoochu oohtyi ihe yaghi Moses za kyehchi, ata kiyutih. <sup>45</sup> Kahchu hadesha, oohtye awonetye khootawootyelon, kahchu tike okehe khootawotyelon, kwa hlilon Jesus atu tanetghakweya tyetachatlihi kwa iyu meheaontye, ahwole kemwehchi tike alilon, kahchu kiyinkhatestyetllon ewonetyeti otsi.

## 2

### *Tghachyestla Onketi.*

<sup>1</sup> Kahchu kwiyalon Capernaum tahke dzine oolitatich wazilate; kahchu kooachatilon ayiti nito kwa oota ko-ochati ihe mewoyu. <sup>2</sup> Kwete natlone tyechi ghlaghatilon, kwa hlilon taghadesmanlon atulitah ookuzze ooli ghintlon kye, kwa hlilon tusla aghoo ooghata taghadesman ghintlon kye; kahchu sa yatatilon. <sup>3</sup> Kahchu kiyinkhatestyetl yatilonooch yatitih ihe, tyentane kooyahtyel. <sup>4</sup> Kahchu atu ugha otsighatatyel iyua aontye ootaneghutl kye, nighatilalon anetiya ootaneghutl kye alinti; kootoo ghaghatagheoo yatilone, kitaghintsut takeustyi tyela satyechti. <sup>5</sup> Kootoo Jesus wai aha oochati, toowela ooli yehtilon ayi yatilone, Sechue, nametselihi naonchatuleli.

<sup>6</sup> Ahwole tahkine ayiti tyechii adesklesne, kahchu koodzye otsi indighateshalon, <sup>7</sup> Yeoogha ti teze atu oochu ateotye? mea metsehhi ka oontoolelassi kootahtye Nagha Tgha zon?

<sup>8</sup> Kwete Jesus ataotio yaghatei intidesakehe, toowela ooli yehtilon, Yehoo oohtye naghadzye ihe intidaa aontye? <sup>9</sup> Tyeyi meotena achatooti kehe yatilone, Nametselihi naonchatooles; koolehe, Tsitike sinta, nustyi neodiah? <sup>10</sup> Atawahtih iyu aontye hligi teze Machue natsutti ayehi chode tike kakametselihi naghaontoolesi, (toowela ooli yehtilon yatilone), <sup>11</sup> Toowela nesiih, Niiya, nustye nioodiah, nakwa otsidiya. <sup>12</sup> Kwa kwete niiya, ustyi nioodoo, kahchu hadesha aitye yai; kwa hlilon atghe yaooli, kiyaooli Nagha Tgha, toowela ghatyeh, Atu haoontyedi oohwetyi tahooli.

<sup>13</sup> Kahchu tu chok meootyesha; atghe aghanetye machichatyesha, kwa yaotatich. <sup>14</sup> Intyizon ghayalu, yailon Levi Alphaeus ma chue sata sooniya mechetilichti, toowela ooli yehtilon, Sakyetiya. Kahchu niiya yekehtesha.

<sup>15</sup> Hesai wazelh Jesus yakwa kwesata atsitoo, natlone tanechowhoine chu metseline chu Jesus yakahthehtsi yaotatichne chu: oochu ghintlone, kooketestyetl chu. <sup>16</sup> Kootoo hatsito adesklesne chu Phariseene chu kiyachika inka aghatsitoo tanechowhoine chu metseline chu, toowela ooli yehtilon yaotatichne, Yehoo yakaatsits aontye yakah chu tuaton tane chowhoine chu metseline chu?

<sup>17</sup> Kootoo Jesus ootitsahoo, toowela ooli yehti, Yaghine oochu oontyene atu kiyinkhasootati yutane, yatitihizon: atu yuhchideya tyechi kooyusine tyeswe yaghitane, ahwole ayi atu tyeswe yaghitane chodeh kyetsahanohoolehe koometselihi ooghatihuali.

<sup>18</sup> Kahchu yaotatichne John chu Phariseene chu oneaghatatihya toonkye: kahchu yuhchihat-estyetl toowela ooli, yehoogha yaotatichne John chu Phariseene chu oneateatheyha aontye, ahwole nuni maghotintichne atu oneateatheyha?

<sup>19</sup> Kahchu Jesus toowela ooli yehti, Maskyege la kwa nichiyehi kooyehkyatechi oneeatatulela la? kooyehkyatechton atu oneateatheyha iyu aontye. <sup>20</sup> Ahwole kwa kwete khoonahwozetasi, kootoo mka tuchainklitne kwiya kwa oochayihate, kahchu ayi dzine oneeatatuyelassi.

<sup>21</sup> Atu chu ooli koonde ale ooli tsatse ihe kyechatoohkatassi, yaikoole koonde ihe kechaghinghati kwa hlilon hleooyu awotiassi. <sup>22</sup> Kahchu atuline tata ahklitassi chiche tu koonde satsoone tontyeto otsi: atu chu chiche tu ooli tsatse tataoohklit ootookyezasi, kahchu natesklitchiche tu, kahchu mataootsayih ootookyezasi: ahwole chiche tu koonde ooli ta koonde chuhklitassi.

<sup>23</sup> Kahchu otles tghah niya achuniyehti Menejitti Dzine; kahchu yaotichne makye ghatehlu atghe inchaghakinesla otles. <sup>24</sup> Kahchu Phariseene toowehchu vehti, Nye, yehoo kooghghaghati aontye Menejitti Dzine atu tu dzine kooh ghatsati iyu aontye?

<sup>25</sup> Kahchu toowela ooli yehti, Atu makyeh ootahtyech tah oolila David aontli kootoo intaklinto kahchu tapatoo, atane chu ayi vehkyatichne chu? <sup>26</sup> Kwiye sikooh Nagha Tgha kwa, intyizon Abiathar

taneghaotatyechi metihi chok acha, kahchu kiyatsetslon otles oochu atuline yetsitslon gha yai zon taneghaotatyech, kahchu yayigholon ayi yehkyatich.

<sup>27</sup> Kahchu toowela ooli yehti, Menejitti Dzine achilalon tane gha, kahchu atu chu tane Menejitti Dzine gha: <sup>28</sup> Ayigho teze Chue ghakaoodzut Menejitti Dzine.

## 3

*Tghachyestla Taiti.*

<sup>1</sup> Kahchu tyetachatlihi kwa kwiya: ayiti teze natyelon mila taneskyelon. <sup>2</sup> Kahchu kiyunailon, ooka ooli asityeh kha Menejitti Dzine nai; kitalih iyu aoontye. <sup>3</sup> Kahchu toowela ooli yehti ayi teze mila taneskye, Hatelon atichi nazutooh.

<sup>4</sup> Tooweh chu yehti, Oochu la oochu keochouahch Menejitti Dzine, ketseliooh keochouahch? tane ghaghatai gha kasoochatooti gha koole? Ahwole atu ooghati. <sup>5</sup> Kahchu anetye klokanatghalon madzyehatsutooh, kyeeocheklah ihe tane dzye natsutti, tooweh chu yehti teze, Tahtatinti. Ooh kahchu tahtatintieh: oohchu mila natsaghinhtalon achune kehchi. <sup>6</sup> Kahchu Phariseene achughat-estyelon, kwete hla nighohanintalon yai chu Herodianuk, tihakehe soo ookitoohtelu.

<sup>7</sup> Ahwole Jesus achutyezha yaghotine chu tu chok tsi: Kahchu tane natlone Galilee otsi yu Judaea otsi yu yekehtestyetl. <sup>8</sup> Kahchu Jerusalem otsi, kahchu Idumaea otsi, kahchu o-one otehchi otsi Jordan, kahchu aghatane ahtazhe Tyre yu Sidon yu, ghintlton ke, ooghatitsuk chi ayi oochu keoahchi, kiyinkhadesha. <sup>9</sup> Kahchu yaotatchine tatilon, ela cok natsutli ootagha iiti wotheoogha kooghohtyi tane natlon ke kha ati makechichiticha. <sup>10</sup> Atane natlone yaghiiti ihe; kwa hlilon yinkghanotyetsuts yakatutihikha, anetye ayi tatihi akooyahine. <sup>11</sup> Tane yaghatai mindicheli kahchu kiyainchi ate, kyechinachustaklih, kahchu ghatyetzul toowe la ooli kiyehiti ihe. Nuni Nagha Tgha Chue nelaoontye. <sup>12</sup> Kooh oochu atu soohchiwoti atu atachutihikha.

<sup>13</sup> Kahchu khis ehkyeghiyalon, kahchu ayizon ayuti tyechi yehti: yachidesha. <sup>14</sup> Kahchu keneti onketi matgha kliniyanila, yekyeootichigha, kahchu achutehalon udzih oohootigha. <sup>15</sup> Kahchu ayulhi gha natsutti, kahchu atsinde metselihi hayatuhi gha: <sup>16</sup> Kahchu Simon yindizi yakechioosun Peterlon; <sup>17</sup> Kahchu James Zebedee machue, kahchu John, James mekye; kahchu nindizi yakechioosun Boanerges, ayi nahthunni uskyege chatyeh: <sup>18</sup> Kahchu Andrew, kahchu Philip, kahchu Bartholomew, kahchu Matthew, kahchu Thomas, kahchu James Alphaeus machue, kahchu Thaddaeus, kahchu Simon ayi Canaanite, <sup>19</sup> Kahchu Judas Iscariot, mazi atahootalon: kahchu nito kwa kwighaghintyeh.

<sup>20</sup> Kahchu natlone natsughanestlalon, ehnye kwa hlilon atu otles atsitlon natlonke. <sup>21</sup> Kootoo meootinoo ootitsukoo, achughatestyetl kiyuhchutigha: aghatune kooghatyeh, Tinditaodesooiisi.

<sup>22</sup> Kahchu adeskesne yuhchighatestyetl Jerusalem otsi ghati, Ayehi Beelzebub, kahchu yaghatai metselihi iiti otsi hayateha. <sup>23</sup> Kahchu koohchu yinkhawoti, kahchu too we yehti, tyecha otsi aghaghatai metselihi hatsatoohtyel oontye ayi aghaghatai metselihi? <sup>24</sup> Kahchu hlahti tane natehti intsake yawoinklit ate, ayiti tike ii oowotoehassi. <sup>25</sup> Kahchu ayi nito kwa yaoghinkliti ate, ayi nito kwa oowotoehassi. <sup>26</sup> Kahchu aghaghatai metselihi ataniiya ate, kahchu tezi yanile ate, atu oowotoehassi. <sup>27</sup> Atuline kweyali iyua aoontye teze natsutti kwa, yenatunne yatatulelu, hatse tahyaghesklu teze natsutti; atezon ya kwa yaghonile iyu aoontye. <sup>28</sup> Kwa hli anaghaisilon, Atghe metselihi kooya oochatoolelassi tane uskyege, kahchu soocha oochatih: <sup>29</sup> Ahwole ayi ketselioo atii Menejitti Oochu atu ihlaotateo ayehi kha, ahwole seghaai ayehi nioonizutti oonchatalihi: <sup>30</sup> Ayighoo ayehti, Ayehi aghaghatai metselihi.

<sup>31</sup> Kahchu mekye chu ma chu iiti otsighatestyetl, kahchu tsehti nazutooh, kilati, kiyinkhaooti. <sup>32</sup> Kahchu tane natlone yaka tghanatihtsi, tooweh chu kiyehiti, Nea, noo chu nehtghizinne chu tsehti naghatehya ninkhaghanata. <sup>33</sup> Kahchu ateyatetla, toowehchu yehti, Mea anne eli, setghezinne koole? <sup>34</sup> Kahchu khlonkanatgha ayi yaka khlonyetsi, kahchu toowela yehti, Ahi anne chu sehtghezoon chu! <sup>35</sup> Atunne zon kooh ghawoteassi ayi Nagha Tgha indi, ayi akye chu, ustye chu, unne chu.

## 4

*Tghachyestla tinti.*

<sup>1</sup> Kahchu tyigha tane ootatech tu chok tghamweh: kahchu natlone yinkhadesha, kahchu tachin ela ehkyiya, kahchu tu chok tih ali; kahchu atghe tane natlone tike wohzon. <sup>2</sup> Kahchu yachioteh ooli natlon yughotyeh, kahchu toowe ehti otsiootih, <sup>3</sup> Oochu atahtsuk; Oochu hadesha otles alihi tane anihyih niyilihi gha: <sup>4</sup> Kahchu intyizon achunihyehti, tahkine yainkhyi tinkuzze, kahchu chua etye yaghatyetyetlon. <sup>5</sup> Kahchu tahke nooghinklit tsyetgha, atu oonchadi tike ooliite; kahchu kwete ghanaghiyu, ayi tike tatghoe: <sup>6</sup> Ahwole chelon sa niniya, maziche ninihklitlon; aha oona maghaye toontooyi, atu ihe taihtsutii. <sup>7</sup> Kahchu tahke nooghinklit ghoos chine chok tgha, kahchu ghoos

chine chok ghanaghiyu, kahchu klighatanityetUon, kahchu atuli machiche oolilon. <sup>8</sup> Kahchu achu nooghinklilton tike oochu ti, kahchu machiche ooghilyelon ghanaghiyu yu kahchu tainyecho; kahchu yahlonihyu tahke taoketyi tahke chu edzetaiti ketyi, tahke chu keoneti ketyi.

<sup>9</sup> Koohchu yehti, Yaghi matsaghe ooli, inkai ootootsuke yehti.

<sup>10</sup> Kootoo chlatyo ayi yehkatiyelichi yaghi chu keneti onketi matgha tawotya yehti kawotzutne gha. <sup>11</sup> Kalichu toowela ooli yehti, Naghunni aghaoochuneoh aontye atawohtihiglia tyewotye hai koosti Nagha Tgha kyeyi: ahwole ayine tsehtsi natihne, atghe ooli keowaahch yehe achatih: <sup>12</sup> Wai oochui, kahchu atu hlyenahotih gha; kahchu ooghatitsukoo ooghatootsukassi lon, kahchu atu klaghatootsukassilon; koohchu oolita ghooghanetyela, koometselihi kooya oone oochatulel akhe.

<sup>13</sup> Kahchu toowela ooli yehti, Tiyeghakehe atawahtiha ooli kehe yaghaghahtai kehe? koohchu yeghateh atawahtiha atghe otech? <sup>14</sup> Oonehyene oonehyoh sa. <sup>15</sup> Kahchu aghatane tinkuzze tatihe sa chunihyehti; ahwole kootoo ooghatitsukassi koooh ghaghatai metseli kwoto otsidesha, kahchu yazake yuhnityatoooh yadze ta otsi. <sup>16</sup> Kahchu aghatane chunihye ine tye tgha; kootoo sa ooghatitsuk, kwete neooatiooh soochanetye; <sup>17</sup> Kahchu atu ghai ighutaklilon aghatane hahte, kwa tiotsi zon ghaghatalon, ootlwe kootoo sookhaootaya kootoo hlachatatane niwoya sa tachi kwete chahte intighatesah. <sup>18</sup> Kahchu aghatane ayi yachunihyene ghoos chok chine tgha; ayi sa ooghatitsuh, <sup>19</sup> Kooh tidi tike indi, kahchu mihe atsunnetaha yu mihe tatintlon yu, kahchu machachintye achu ooli kwenachaghila otcho ooli sa, kahchu atu machiche ooli. <sup>20</sup> Kahchu ayi mehoochunihyehe tike oochute; ayi ootitsukne sa, kahchu niooatioone, kahchu machiche ooli, tahke taoketyi enetyi, tahke chu edzetaitiketyi, tahke chu keonetiketyi.

<sup>21</sup> Kahchu toowela yehti, Nachila takooche nichualli ghotwetghulle yue take ustyti koole? koohchu atu nichioote takoochechine? <sup>22</sup> Agha atuli nachunehi atu mewotuti; kahchu atuli tanetcha maghuchata iyu aontye, ahwole atachuteassi. <sup>23</sup> Koole matsaghe oolyetane inkai ootootsukassi.

<sup>24</sup> Kahchu toowela ooli yehti, Tyeke ayi ootahtsukki: ayi ihe tikeghaklyeli, ayieh nagha tsi tiketsalelassi: kahchu naghai ootaghahtsukki, ootechchi nahachuallassi. <sup>25</sup> Yaghi ayehi, machuallassi: kahchu yaghi atu ayehi, mehwayachutallassi koole ayi ayehi.

<sup>26</sup> Kahchu toowela ooli yehti, Koohia ootype oontye Nagha Tgha kyeyi, hletye teze oochunehyehti oodihyitl keoontye; <sup>27</sup> Kahchu satyi, kahchu niya hatleke chu dzine chu, kahchu achunehyehti ghanaghihu, atu ataoti noontye sikooh. <sup>28</sup> Ghoo yaghi tike atai hahte otsi ghanaghihu; hatse kloke eli, kahchu hachaghinaghiyu, kahchu otlweh ootles. <sup>29</sup> Kahchu yaghi chiche ghanaghihuta, kwete atataz, khoo chotazze dzine eli.

<sup>30</sup> Towehchu yehtilon, Tyechi otsi gha Nagha Tgha kehchi niwowotal aontye manatake? koole hletyi indi nighaootal aontye? <sup>31</sup> Hleoontye oochuniliyehti ehlatye yutanikluchi machiche, kwa nichalesta oonahyehe tike, eyi zon natsutli anetye oochu ihyehe tike tih: <sup>32</sup> Kwa aochelesta, oochu nichulesta ayi zon otechchi yaincha anetye nichulihchassi, kahchu matatse natlon; kahchu ayiti chua yayue sacha iyue tehtsi.

<sup>33</sup> Kahchu ayi etye akyehchi oochatihi ihe ehayataton, ghanawesittih oohasohtsoo gha. <sup>34</sup> Ahwole atu ya-i-ti-tyes ate atu yachiwotyehlon: kahchu sahta aghatinta, yaotatiche atghe yataton.

<sup>35</sup> Kahchu ayi dzinee, kakhachi aocha, toowehchu yehti, Onka nataghokye taityechi. <sup>36</sup> Kahchu yite kitehalon tane natlone, nighatila aontye sikooh. Kahchu kooyeh testyeton tachin ela ihe. <sup>37</sup> Kahchu intsi chok niya, kahchu tuyune nachalon tachin ela kooyeghe tiketlalon, kwa hlilon tadesmanoo. <sup>38</sup> Ahwole atai haiseuhi, satyi tsiatakayeh: kahchu tsikiyaniha, toowehchu kiyehiti Metihi, atu aghaititawoala tghataozitassi?

<sup>39</sup> Kahchu niya, kahchu intsi tsiwoti, toowehchu yehti tu chok, Tyeke tahtsi. Kahchu intsi atyehzut, kahchu ohtye tyesghutl.

<sup>40</sup> Kahchu toowela ooli yehti, Yehoogha onenatyel aontye? yehoogha atu a kootahti aontye?

<sup>41</sup> Kahchu ohtye onighanintyetyl, kahchu toowela klaghatati, Ye teze alontye koole intsi ateate chu tu chok yuzehtso?

## 5

### *Tghachyestia hlahcheti.*

<sup>1</sup> KAHCHU nighatiooh taityechi chisinchi tu chok, kootike tsi Gadarene matike. <sup>2</sup> Kwa kootoo tasaya ela ehkye otsi, kwete yatitityesha ehlatye teze natine kwa otsi ayehi yaghatai atu mayis natsutooh, <sup>3</sup> Makwa ooli natine tgha; kahchu atuline yatahnatsut iyu aontye ihe ayii ihe atu tah taghatsakluh iyu aontye, atu satsoone klule aghoo ihe taghachakluhassi: <sup>4</sup> Tewotye oontlon tahtsughesklumi mihe klule ihe kahchu satsoone klule ihe, kahchu satsoone klule yatayaghechil, kahchu makye chine klule oochu

yatayaghechil: kahchu atuline oochu ayilih iyuntyeh. <sup>5</sup> Kahchu inkaa hatleketahwoyu dzinetahwoyu, ali khis tah, natine tgha woyu, otyesta, kahchu atakhai tatazo tseye ihe.

<sup>6</sup> Ahwole tontye tsi ghotsi Jesus ya-i, otsiehtla yatsi nachustaklyeh, <sup>7</sup> Kahchu ohtye otyesta, kahchu toowela ooli yehti, Tyeka kehe na-kye-o-os-tyi-cha, Jesus, nuni otehchi ooli yatehchi Nagha Tgha chue neli? Natsinioonunisi Nagha Tgha tsi, atu nidisawositi. <sup>8</sup> Atai toowela yehtie, Sachighatiya teze zi tsi, nuni atu neyis natsutti aghaghintai.

<sup>9</sup> Kahchu tawotyia yehti nindizi tyeoolya yehtilon? Kahchu toowela yehti, Legion, oohzi: nitlon ihe. <sup>10</sup> Kahchu yatsinioonunisi atu achu tsutoohigha ayiti tike otsi.

<sup>11</sup> Kahchu ieti alii hwaza khis tah koohkoos natlon eghihta. <sup>12</sup> Kahchu atghe aghaghatai metselihi yatsinioonunisi, toowehchu yehti, ghotsiaghatiha koohkoos natyehti, koohkoos zi toontyelikha. <sup>13</sup> Kahchu kwete Jesus ghatyeh yasehla. Kahchu naghaghatai atu mayis natsutti ghaghatestyetl, kahchu koohkoos zi tintyetyl: kahchu koohkoos ohtye kyehodihsut ichulti tu chok tghamweh, (oolitah onkye keoneti keoneti;) kootoo chu etye tukoohiwolon.

<sup>14</sup> Yaghaine koohkoos zaaliine taghatestyetl kooghohwati nito kwa atyih kahchu ayiti tike. Kahchu otsighatestyetl ayi ye keochaahch aontye. <sup>15</sup> Kahchu Jesus kiyunintyetyl, kahchu kiya-i ayi tane atsinde metselihi ayehi, kahchu kootoo ayehii ligiona, sata, kahchu natunne tasata, kahchu tyeswe indi ahi: kooh onighanintyetyl. <sup>16</sup> Kahchu yaghaine oohwa-i ine kitati oontye sikoo ayi tane atsinde metselihi ayehi, kahchu koohkoos ihe. <sup>17</sup> Kahchu tyikichi niooghaghananintyetyl achutooyigha kootike otsi.

<sup>18</sup> Kootoo tachin ela ehkyiia, yaghi ayehii tane atsinde metselihi yachinioonunisi yehtootyeli gha. <sup>19</sup> Atu ggate yasehla Jesus, ahwole toowela ooli yehti, Ootinta niootinoo khadiya, oochu kootinti ooli Ghakaoozutti nakeoahchi, kahchu noohchuya. <sup>20</sup> Kahchu achutyeha, kahchu khootaootyeh Decapolis yechatgheze Jesus oochu nanakeochaahch: koohchu aitye tane khaooghali.

<sup>21</sup> Kootoo Jesus natyeeski tachin ela ihe taityechi, natlone tane yachitestyetyl: kahchu hwa tuchok alii. <sup>22</sup> Nea koohzon ehlaite yinkhatyeha kakaoozutti tyetachatlili kwa, Jairus ooyi; kootoo ya-ichi, nakye kuchi naitsut, <sup>23</sup> Kahchu ohtye koonoo yachinioonunisi, toowehchu yehti, Setue tyele satyi koola tehtsutooh: nachinioonunisi, samakataooti, naghaoat gha; koohzon hanalaite ootesi. <sup>24</sup> Kahchu Jesus yehkatich, kahchu natlone tane yakehtestyetyl, kahchu kikyeeohsut.

<sup>25</sup> Kahchu ehlaite tsege, yaghi keneti onketi matgha yaskehe matulle natatyehizon, <sup>26</sup> Kahchu natlone ooli yakeoohchi natlon yutane, kahchu yaghatestla ayi oontyei, atuli akehe naghiteyo oontye, atatihe tati, <sup>27</sup> Kootoo Jesus otsi ootitsukoo nooja otsi keistla otsi yatsityeha ootaneghutl ihe, kahchu yakestue katehtich. <sup>28</sup> Atune toowela ehctie, Manatunne zon agho katyestich ate, oochu awostyeesi. <sup>29</sup> Kahchu kwete otsi tul natatyehi sakoon; kahchu atyetastyiht mazi tsi nachaghiata avi tatihi tsi.

<sup>30</sup> Kahchu Jesus kwete ataotihoo mehnatsutsutti mazi tsi hatsatooh, natunesha tanetiche, kahchu ehiti, Mea ali senatunne katehtichlon?

<sup>31</sup> Kahchu yaotatiche toowela yehti, Natlone tane ghii tanighatlu, kooh tinti, Mea sekahtitich?

<sup>32</sup> Kahchu klokanatgha yui gha ayi ooli keoachine. <sup>33</sup> Kahchu tsege ooniya kahchu ghati ihe, ataotioo ooli maachahi matsun tsihi, yuhchi yachi yuenenitooh, kahchu yatati aitye hlunchati. <sup>34</sup> Kahchu toowela ooli yehti, Ghutue aha koodinti nanaghinta-iih; taichi tyege inditiah, kechutintih natatihe ihe.

<sup>35</sup> Intyizon kwaka ootatyichoo, yachidesha ma kwa otsi yaghi yakaoozutti tyetachatlili kwa tahkine atine, Netue tehtsut: Yehoo gha mehchintahcha otehchi Metihi?

<sup>36</sup> Kwete Jesus sa ootitsukoo, toowela yehti ayi kakaoozutti tane tyetachatlili kwa, Atu ooniyooya, aha koodinti zon.

<sup>37</sup> Kahchu atuline hateh gha sehla oolino yekehtooiy, Peter zon, kahchu James, John chu mekye James. <sup>38</sup> Kahchu khooniyalon kakaoozutti kwa, kahchu wa-i oontlon tsi oochataahoo, yaghi chu atsukki kahchu ohtye atsukki. <sup>39</sup> Kootoo kwiya toowela ooli yehti, Yehoo gha oontlonchi ootahah aontye, kahchu ahtsu-ko-oyu? ataze atu tehtsut, ahwole satyih.

<sup>40</sup> Hatyeh oontlonchi kiyuhaghatkluch. Ahwole ehzyezon aitye hayateha, otsighadesha yatgha chu you chu ata, kahchu ayi yehkyatehii, koohchu kwinnaghacha ata tyelasatyinti. <sup>41</sup> Yila inchutlon ata, kahchu toowela yehtilon, Talitha cumi; ayi chati, Ata, niya, nesii. <sup>42</sup> Kahchu kwete ata niya, kahchu ghayahl; atai keneti onketi matgha mayaskehe. Ohtye o-ochi khaoghailon aghawochule kehe. <sup>43</sup> Ohtye atuline tataoonti; kahchu atya kehe oolita ooli machuhchut.



<sup>1</sup> KAHCHU ieti otsi achudesha, kahchu yuhchidesha ghochati matike; yaotatichine chu yekehdesha.

<sup>2</sup> Kahchu Menejitti Dzine khonoonizutooh tye tyetachatlihi kwa taneghaotatyech natlone kootit-sakoooh khawoalli, ghatih Tyecha otsi niyatilontye? Kahchu ye o-ochi mehoochayu tidi machioo, koole yaghi oochu ekyeotatichi ayilai tila ihe? <sup>3</sup> Atu ayila tachin atali, Mary chue mekye James, Joses chu, Juda dm, Simon chu? kahchu mehtghezze chode mekyechatich? Kalichu atu oochu yatsiintighadesa.

<sup>4</sup> Kahchu Jesus toowela yehti, Tane chi otine tune atu mooh oontue iyu aoontye mehe meachatachai, atunezon tatike hwa yule iyu aoontye, kahchu atai hahte menachine, kahchu atai hahte ghochatih makwa. <sup>5</sup> Kahchu ayiti atu kooye keoachlon mehmawochuli kewotiche, tahkine ghatyeh katehtichlon yatitine, kahchu nayaghihtalon. <sup>6</sup> Kahchu kawolilon atu aha yutieh. Ahwole atghe tane tanenatih akehe klodeshalon, taneghaotatyech.

<sup>7</sup> Kahchu keneti onketi matgha tyechi yehti, eonetye tsi yeteha onkyetatatyeh; kahchu yehnatsutti yayila yatanatsutti naghaghatai metselihi;

<sup>8</sup> Kahchu aychti atuli yatoolai kyatehchu, tghes zon; atu etsunzis, atu chu otles tyes ali, atu chu sooniya kooghele tasulla: <sup>9</sup> Hoontyegho kyetlihi ahooh zon tatyez; kahchu atu onketi kestue taooya. <sup>10</sup> Kahchu toowela yehti, oolitah nito kwa kwighaachatetah, ayiti ahli achutahah ti otsi. <sup>11</sup> Kahchu atu ninaghatile ati, naghatitsukki ata chu, aisai iiti otsi achutaach ate, naghakye waghat otles ihe kooyeh ooghathichi. Kwa hli anaghaisii, Otehchi aghatane Sodom yu Gomorrha yu oochu awohtyesi ohtye tane tsiochatih dzine intyizon ayi tike.

<sup>12</sup> Kahchu achughatestyel, kahchu tane taghatih ketselihi ooghachatutii gha, <sup>13</sup> Kahchu natlon metselihi ghaghateha, kahchu kles ihe yakiyehkluk yatitiine, kahchu nayaghinta;

<sup>14</sup> Kahchu metihi tyiyi Herod otitsuk mewoyu; (atgheze tike okehe midizi khoochatihe;) kahchu toowe ehti, John matukeghinkliti atai tustye otsi niyya, kahchu ayiwo mehe ohtye keochatichi eotatya aoontye.

<sup>15</sup> Achune ghati, Elias atai, kahchu achune ghati atane tai atahwotine, ehlatine eontye atane tai atahwotine.

<sup>16</sup> Ootitsukchi Herod, toowe ehti, John ayi matsi hlihyitl ii: tsitike nesta tustyi otsi.

<sup>17</sup> Atai Herod ghochati ochiyateha, John chu niyatinti, kahchu tane kwechayihiti tayaghesklu Herodias ihe, mekye Philip tsiyue ihe: atai inkah hlakootsila. <sup>18</sup> Atai John ayehtii Herod, Atu wotezi nai awohi nekye tsiyue. <sup>19</sup> Ayeoo Herodias tike ochehtune yesoohail akhai; ahwole atu hawootli iyu maaontye: <sup>20</sup> Atai Herod John enejitieh, atayetioo tyeswe ghata, kahchu maghata oochu tane elieh teze, kahchu yama intityesha; kahchu yatitsukchi oontlon kehe keoachlon, kahchu kyenawolesilon ayiteh otitsuk ate.

<sup>21</sup> Kootoo sookah nitsutooh dzinee khonoonizutooh Herod niyyi dzinee khonoonizutooh hatleke eghohtai gha oola tametih gha, simakunnis metihi tyiyi chu, kahchu haladi kha kakaoozuni Galilee; <sup>22</sup> Kooh kootoo Herodias matue kwiya tahtitla, kahchu yakeneli Herod chu, ayi yakasatai chu, metihi tyiyi toowe ehti ayi atyedi, Soodinkyet ooli sachinioonunisitassi, atuli necho matuhsisi.

<sup>23</sup> Kwete oochu ayehti, Atghaze ooli assyesi oochu gho soodinkyet ate, tghatichi ooli assi naslelasi.

<sup>24</sup> Kahchu hadesha totsai anna. Ye ooduskyet aoontye totsai ehtilon? Tsiyua so toowe ehti, John matukeghinkliti tsi.

<sup>25</sup> Iteteh kwete metihi tyiyi tsidesha, kahchu atakyet, kooh koosti atezon sahoalli tsa ihkye John matukeghinkliti tsi.

<sup>26</sup> Kahchu ohtye metihi tyiyi atu kenelilon; hoontye ooli oochu ati ihe, kahchu aghatane ihe kookasata, atu yaza ootihyul. <sup>27</sup> Kwete chu metihi tyiyi otsideha teze, kahchu matsi naghahal yehtilon: kahchu otsidesha tane kwechayehti yetsi hlihyitl. <sup>28</sup> Kahchu yetsi nanioo tsakye, kahchu atyedi ghioo: ooh ayi atyedi to ghioo. <sup>29</sup> Kootoo yaotatichne oghatitsuk chi, yachihatestyel kahchu yazeche nighatihyti, kahchu natine kwati naghanihyti.

<sup>30</sup> Kahchu wochichatehane aghanetye intataghati Jesus aliiti otsihatestyel, atghazi kitatati ooli, keooaachii, kahchu ooli tanegha ootatyechine. <sup>31</sup> Kahchu toowehchu yehti, Tyetahtyel naghai tyinta oolite yaghi kemwehchi, kahchu oontsutli natahyih: kootoo natlon yuhchighatestyel kahchu yiteghatestyel, atulita ahwosits kuzza ooli.

<sup>32</sup> Kahchu naonai ela tu chok ehkyeatachi ehkyeghaghityel. <sup>33</sup> Kahchu tane kooya-ih achughatestyetlooh, kahchu natlone atakooyehti, kahchu tane natihti otsi atghe otsi ooghatehsut nito kwa otyiyi aghoo anetye oogha-i, kahchu tane tse nighanintyeh, aghanetye kiyunintyeh. <sup>34</sup> Kahchu Jesus hadesha natlone tane gha-ih, ohtye matsun tatihti kyehe indityesa, uspai etyieh uspai ghaghatane tane atu ayehi: kahchu tye yaghotatich natlon ooli.

<sup>35</sup> Kootoo ayi dzinelon kwakoole tontyeto kloeh ooli, yaotatichne yachitestyel, toowe yehtilon eh, kemwehchi oolilon chodeh, kahchu kwa onchadeh dzine kloeh ooli: <sup>36</sup> Achuyadeha tike okehe

otsighatayel, kahchu nito kwa ootlonchi, kahchu atahaghatutlihi gha otles tyes: atuli ghatsitsi aghahi ihe.

<sup>37</sup> Ateyatetlalon hoowe toowehchu yehti ihe, Naghanilon kiyiiohtai kooyanahli. Kahchu toowe kiyehiti, Yaghe otsi taowtyeli ataghawothhi ila sooniya onkye keoneti ketyi sachunai ehtye otles tyes, yaghine ghaohchuti?

<sup>38</sup> Toowela ooli nayetilon, Taitya otles tyes ahiwo? oonkawahya. Kahchu ataghowatichi, toowela ghati, Hlahcheti, hluge chu onketi.

<sup>39</sup> Kooh yehtilon eonetye tsi tahtsi kloke tanepyeds tgha. <sup>40</sup> Kahchu ghatye gheskyih inchake, keoneti ketyi tatehtsi inchinataty, taghane chu hlahcheti ketyi inchinataty tatehtsi. <sup>41</sup> Kahchu hlahcheti otles tyes niyatila hluge onketi chu, koohtike ookahtgha yatsi kahchu merci yehti, kahchu otles tyes yataghiyits, kahchu yaotatiche ghila yaniyulel gha; hluge onketi chu anetye tghaestich. <sup>42</sup> Aghanetye eghaghintalon, oochu tataghanastolon. <sup>43</sup> Kahchu keneti onketi matgha kloke asklu ghaisi tadesmanoo mechaghintai ihe, hluge ihe chu. <sup>44</sup> Kahchu yeghaghintaaine otles tyes oolital hlahcheti keoneti keoneti ketyi sihlon enetyi sihlon tezoo.

<sup>45</sup> Ieti tye kwete anetye ihe yutilon yaotatiche tachin elahkyeootyeli kha, kahchu taityechi ot-sighatuteligha haladih Bethsaida, achutehaton tane. <sup>46</sup> Kahchu kootoo achuteha, atai chu yitaityesha khis tsi yaootootyech.

<sup>47</sup> Kahkachi aoocha tsi, tachin ela tatiche tsi tu chok taghalilooch, atane nunkuchi sahti ali. <sup>48</sup> Kahchu yai ohtye keotichoo atowazu; intsita oolieh: oolital hatlindo aoocha soo tane wohnyalon, tu chok khai niyalon, kahchu yaoyeassilon. <sup>49</sup> Kiyainchi tu khai niya, kooch kooghati tane atsinde ali lontye kiyutih, kahchu ohtye oonghanityetillon: <sup>50</sup> Aghanetye kiyai, kahchu atu oochu indighatye-salon. Kwete inchi ooghatatyech, kahchu toowela yehti, Ohtye soonahtye: suni asli aontye; atu ooneghahtyel.

<sup>51</sup> Kahchu inkhadesha elahkye atine; kahchu intsi adezut: kahchu ohtye khawoghali, kahchu o-ochi khawoghali. <sup>52</sup> Atu ayi indi ghati ihe ayi o-ochi keochaachi kehchi otles tyes: aghatane koodzye natsuttie.

<sup>53</sup> Kootoo naghateskyi tsi, koonaghaghintyeli tike Gennesaret, kahchu tghaghiyeli. <sup>54</sup> Tghaghiyeli tsi ela ehkye tsi, kwete atakiyeti, <sup>55</sup> Kahchu kyeton ghatich aonetye ieti otusinkha, kahchu kyekyeyeh-tich ayi tyelisyati tatihi, ali iteh oohatitsukooh. <sup>56</sup> Kahchu kwiyah assitih nito kwa chisinchi, nito kwa otyiyi koole, tike koole, nikiyityih ayi yatitine atghunni tiche koole, kahchu kichiniooghanunisit kikatutuhi gha ghatye makestue maihe aghoo kiyuhchuti gha; yuhchutassihne anetye yaghitalon.

## 7

### *Tghachyestla taiuohi.*

<sup>1</sup> KAHCHU anetye machichatyessa Phariseene, tahkine adesklesne chu, ha Jerusalem tsi ghatillne. <sup>2</sup> Kootoo kiyainchi tahkine yaotatiche aghatsitsoo otlestyes atu ka tila tyeghinyekoo, ayi tsati, kila aghoo atu tyetsaghinyek, tahkine atu tyeswe kooghatilon. <sup>3</sup> Aghatane Phariseene, Jewne chu atghe, oontlon chi taghila tyenaghatichoon zon aontye, atu aghatsits athli, kooghatghoonoo yaooty hatseto koola otehchi meetiootyeha. <sup>4</sup> Kahchu naghatichta ataghe tsi, atu natsun nootootihul ate, atu awoontsitsassi. Kahchu ooli natlon ooli nikitilaine o-otghooni, tsa nootoochatuhul kahchu mihe tu tsato chu, tanihkluchi satsoone tataoochayihli takehchestai chu.

<sup>5</sup> Kahchu Phariseene chu yatiklesne chu, Taotya kiyehiti, Yehoo gha mawotintichne atu nakyehchi indi gha tyes aontye tane haladi otichne tane, ahwole otles tyes eghaghinta atu tahila tyeghaghinyekoo?

<sup>6</sup> Ateyatetla, kahchu toowe yehti, Oochu naghai nasetyilon Esaias naghani oontlon nahtahoo, takehnichatinkles akehe, Ayi tane oochu assaghati taaza ihe, ooh koodzye tontye saooch.

<sup>7</sup> Ghatye ahwole kooyaoostech tanegha ooghatatyechoo tane mihe chioochatihli.

<sup>8</sup> Tyinta saoo Nagha Tgha otiche, ooahtghoon tane yaghita kehe, nootghochadehulli mehtutsato tsa chu: kahchu ooli natlon ayi etye keoghaach.

<sup>9</sup> Kahchu toowe yehti, Oochu Nagha Tgha zake kyenaghali, maghahtai yu aontye nagha onti. <sup>10</sup> Atane Moses kooehtii, Ohtye natgha chu noo chu tao-oncha; kooch hatyehlon ooline tatgha tsi to yu ketseliooh otih ate, chazuhelassi: <sup>11</sup> Ahwole naghai atahti aontye hoontyeeo ooli tatgha koole to koole, Corban ayi, ayi tsati, kachiahi, yaghi ooli nakeostich iyu aontye; kao-ontsutti. <sup>12</sup> Kahchu atu otehchi machi niioonunahsit ooli yaaotli tatgha koole to koole; <sup>13</sup> Naghai hahte tsioone Nagha Tgha zake awahtla atuli kyewoti nagha oonti ihe, kanaoiii: kahchu ayi etye natlon ooli keoaahch.

<sup>14</sup> Kootoo chu aitye tane kawoti tsi, toowola yehti, Anahtye soozahrtsoo naghani kahchu atahtsuk: <sup>15</sup> Atuli ayi tane matsun khitsi tatyetzut ayi mazi ti achi chahtayuleassi: ahwole yetsi hayatehai ayi ali tane chahte ayihihchi. <sup>16</sup> Ooline matsakhe oolitane iiti ootootsukissi, inkai ootootsuk.

<sup>17</sup> Kootoo tane oochu tyesha nito kwa, kwenaghacha yaotaticzne taoontya yehtilon hleoontye akyehchi oochatili. <sup>18</sup> Kahchu toowe yehti, Kooka naghatsi toontooe aoontye? Atu kyenahthela, ahtghazai ooli tsehtsi otsi kwetsutti tane, atu chahte ayili eyontye; <sup>19</sup> Atu madzye tsi ihe ahakooteyeh, ahwole mapat tsi, kahchu hatsat oochu sookah nininkyieh aitye etsun?

<sup>20</sup> Kahchu toowe ehti, ayi tane tsun tsi hadehtsutti, ayila tsahte ayihihchoonte tane. <sup>21</sup> Koodzye ta otsi tane, ine tsi tatyestek ootype indi metselihi, soochachai chu, nakhochityeli chu, tlahchazaghai chu, <sup>22</sup> Atsunne achuneih chu, machachintyi chu, inditselihi chu, oochachiti chu, naoona-i indyetselihi chu, atai metselihi chu, atacho chunehliti chu, achachatachai chu, tsaoochayaghi chu. <sup>23</sup> Anetye ooli metselihi kwetsut tane tsun tsi, ahwole tane tsahte ayila.

<sup>24</sup> Ayiti otsi niya, kahchu tghanatyeshya Tyre yu Sidon yu, kahchu nito kwa ootanaghacha, kahchu koonoo atuline atawo-oti kootilon: ahwole atu nana-i iyu aoontyelon. <sup>25</sup> Ehlahti tsege matue ooli ayehtii atsinde metselihi, ootitsuklon, kahchu yuhchideshalon kahchu makye keh nadsutlon: <sup>26</sup> Yaghi tsege Greek tane, Syrophenician ine tsi ihe otsi tazelh; kahchu yachinioonunit hayatoohai gha atsinde metselihi matue zi ta otsi.

<sup>27</sup> Ahwole Jesus toowe yehti, Inkai hatse tsito tatanooto; atu oochu tsito taghaotlese kooye-hwawachutalli, koohchu kli tsi tsatulihi.

<sup>28</sup> Kahchu ateyatetla kahchu toowola yehti, Ehye, aghaghintaihi: hoontye ooli takyeh yechihtati yue natunahtyeli kli tghaootsi.

<sup>29</sup> Kahchu toowe yehti, Tidi sa ihe oodinta; atsinde metselihi natue tsun tsi hadesha.

<sup>30</sup> Kooh niya tsi takwa, yihtyi atsinde metselihi hadesha tsi, koohchu matue takyeh ustyi keh tyelasaty.

<sup>31</sup> Kooh kahchu yitaityesha Tyre yu Sidon yu otsi, otsidesha tu chok tsi Galilee, taghaniya Decapolis.

<sup>32</sup> Kahchu kiyananioo hligi majih oontooehu, atu chu oochu ootaticho; kahchu yachinioonunit kooya katootili gha.

<sup>33</sup> Kootoo otsi yatehti tane natloni, kahchu yaji ta katihtich, kahchu ghizek, yetsoode chu katehtich;

<sup>34</sup> Kahchu yatsi ookahta, otyesta, kahchu toowe yehti, Ephphatha, ayi, Tahaootsitti. <sup>35</sup> Itetyeh kwete maji ta hatachil, kahchu matsoode klule tihatuk, kahchu oochu otatich acha.

<sup>36</sup> Oochu atuline ataawoti yehtilon: ahwole otaihchi atuline atsaih atawotih, otaihchi ohtye koohooteyeh; <sup>37</sup> Kahchu o-ochi tooe yehtie, Atghaze ooli tsiwohon keoachlon: oochu majioontooewene anayitla oochu ootootsuki gha, kahchu saintakline oochu ootooteychi gha.

## 8

### *Tghachyestla edzentyenti.*

<sup>1</sup> AYI dzine tane o-ochi natlone, kahchu atuli aghahi kiyutsitsi, Jesus yaotaticzne tyechi yehti, kahchu toowe yehti, <sup>2</sup> Satyaghisunni tane natlone, kooh kwa taiti dzinee sihaghahtyih, atuli chu aghahi ghatsitsi ooli. <sup>3</sup> Achu kooteyehaitye tagha kwa tsi yaghatipatooh, woianh oohatootsitassi, natlone tontye tsi otsighatelyu.

<sup>4</sup> Kahchu yaotaticzne atetyataih, Tyechi otsi gha tayanooto tine tane otlestyes ihe chode kemweh?

<sup>5</sup> Kahchu Taitya otles tyeh ahi yehtilon? kahchu toowe ghati, Taiuchi.

<sup>6</sup> Tane tsi tsiwohon tahtsi tike wozon: ayi ninayatila taiuchi otles tyeh, kahchu merci ehti, kahchu yataghiyits, kahchu yaotaticzne ghila oochu yaniyuleli; kwa kiyaniyila ine tane gha. <sup>7</sup> Kahchu akiyehii tahke hluge yaintsutle: kahchu merci ehhtilon, kooh ehtii ine gha nichuleli. <sup>8</sup> Kahchu eghaghintalon oochu tataghanastolon: kahchu nachatanatyel neghatila mechachelihi, taiuchi kloke ghaisis tghatayesmanoo. <sup>9</sup> Kahchu ine eghaghinta, oolita tiko keoneti keoneti ketyi enetyi silon: kahchu achudehalon. <sup>10</sup> Kwete ela kiyia yaotaticzne chu, kahchu yuhchidesha chisinchi Dalmanutha.

<sup>11</sup> Kahchu Phariseene yuhchihatestyetla, kwete kichi sooghatayehch, kiyinkhanata yakachi otsi ehtoole taoontya kiyehi. <sup>12</sup> Kahchu ohtye hoontatachelon matsinde otsi, toowe ehtie, Yehoo gha ine chi hlioolate kiyinkhanata ehtoole, kwa hli anaghaisii, atuli ehtoole naghachualassi tine maghestyekne. <sup>13</sup> Kahchu yechudesha, kwete elahkyiya taityechi otsi kahchu yitaityesha.

<sup>14</sup> Mawotintichne iine kiyutoonaghatihlon otlestyes kitoelai, kahchu atuli aghahii elahkye ehlahti zon otehchi otles tyeh aghahilon. <sup>15</sup> Kahchu yechiwoteh. Tyeke khaghahta mehotes chihutli Phariseene, kahchu mehotes chihutli Herod natunne.

<sup>16</sup> Kahchu inchiiohwatatyech, kooh atuli otles tyeh assii ihe.

<sup>17</sup> Jesus atawotihchi, toowe ehti, Yehoo gha inchiotahtyech aontye atu otlis tyes ahi? atu ka atawahtihala, atahtsuk koole? kooka naghadzye natatsutooh sahoohwaoontye? <sup>18</sup> Naghatai chu ooli, atu ookanahtghaala? naghaji chu ooli, atu atahtsukila? atu chu kyejetahtila? <sup>19</sup> Kooya tseghila tsi hlahcheti otlis tyes hlahcho ootatye keoneti keoneti ketyi enetyi, tanetyi kloke ghais tadesmanooh nachatanatyeli nita la? Toowe yehti, Keneti onketi matgha.

<sup>20</sup> Kahchu taiuchi aline kootghasitich tikoooh keoneti keoneti ketyi enetyi, tanetyi kloke ghais tadesmanooh nitalala nachatanatyeli? Toowe yehti, Taiuchi.

<sup>21</sup> Toowehchu yehti, Yehoo gha atu atahtsak aontye?

<sup>22</sup> Kahchu yuhchityesha Bethsaida tsi; kahchu kiyananihtyi teze mataituehi, kahchu kichiniooghannunisis yakatutihi. <sup>23</sup> Kwa yila inchut ayi teze mataituehi, kahchu nito kwa tsi achuyetehti; kahchu yatai keghizek tsi, kahchu yakahtechtichoo, taoontya yehti ooli ghiila.

<sup>24</sup> Kwa yachi tahyatii, kahchu ehti, Tane ghussi tachin etotyeni.

<sup>25</sup> Kahchu yatai katehtich, kahchu yitige ookanahta yehti: kootoo oochu oontyei, kahchu aitye tane oochu ya-iine. <sup>26</sup> Kahchu yakwa tsi yeteha, toowe yehti ihe, Atu otsitaooya nito kwa, atuline chu tataoonti nito kwa.

<sup>27</sup> Jesus hadesha, yaotatichne chu nito kwa tsi Caesarea Philippi; otsighatelu, Taotya yaotatichne tsi ehtilon koooh yehtiihe, Mea hli saghatya tane?

<sup>28</sup> Kahchu toowela ghati, John tanetukeghinkliti tane ali: ahwole tahkine Elias ghati; kahchu achune atanetaihchi atawotine tane.

<sup>29</sup> Kahchu toowe yehti, Ahwole mea ne ahlaontye? Kahchu Peter ateyatetla kahchu toowela yehti, Nuni ayi Christ.

<sup>30</sup> Kwa yatati atuli tsi hohohoontye atuneoo.

<sup>31</sup> Kahchu tyi yaotatich, teze chue atghazi ooli kawotoohunne, kahchu yenaooli hoola ale, taneghaotatichi metihi chok yu, adesklesne chu, kahchu tsazughelyu, taiti dzinee kaohtzut ate kahchu tsitike naotezi. <sup>32</sup> Kahchu ehtii ayi zake tanenichi. Kahchu Peter nayanaun, kahchu tyi chuhootatyech.

<sup>33</sup> Ahwole natanyesha tsi yaotatichne chu kanehtgha, Peter chuataichlon, toowe ehti ihe, Satuchi otsidiya nuni atsinde metselihi: atu indi natih Nagha Tgha tsi tatyessuttih, yaghi zon ooli tane tsi tatyessuttih.

<sup>34</sup> Kootoo tane tsi tyechi ehti yaotatichne chu toowe yehti, Ooline sakehtayeh ati, inkai oochit atu tuti ninayatoooli matsookhatayaghi, kahchu nakehtuyesi. <sup>35</sup> Ayih sye nayaghootalon kyehghata kehe, tghayatuualassi; ayi tayadesooatai kyehghata kehe suni tsi kahchu otich oochu chu, ayi nayahoohtzei. <sup>36</sup> Yechiha yatsi ewoyuesiha tane, tike okehe ootansut ateo, tatsinde tghayaghatyeshai ate? <sup>37</sup> Ooli sitah tyessooite taghatai tah? <sup>38</sup> Ooline siioyale tane zake chu chode soochaghachatai chu kyidyetseli chu tanegha; ayilon atane tane chue yaooyaooli, kootoo yuhchininiye ate kochi soochunetyi Matgha keotichne oochune chu.

## 9

### *Tghachyestla kalaketi.*

<sup>1</sup> KAHCHU toowe yehti, Kwa hli anaghaisii tahkine chode natehyane atu koozetse nio-olyezi, naoghatyitsi ooli ate Nagha Tgha kyeyi khoonao-ozit ate mehmatssuttu yu.

<sup>2</sup> Edzetaiti dzine kloes Jesus Peter chu, James chu, John chu hlyekehatechlon, kwa hlilon ot-sighatyeshha khis tsi ohtye nataghisatti sahte ooghatyi: kahchu yakaitghaityeh achu meotati. <sup>3</sup> Kahchu makestue mesaniti takulli kye yas etye; atuline chode tike hahtye takulli awolene ooli. <sup>4</sup> Kahchu klohaaghtyeli Elias chu Moses chu: kahchu inchioghatatyech Jesus chu.

<sup>5</sup> Kahchu Peter otyesta, toowehchu yehti Jesus tsi, Metihi, chode itli gha oochu: inkai taodatyedi kwa aootlihi; ehlaiti nuni gha, ehlaiti Moses gha, ehlaiti Elias gha. <sup>6</sup> Atu ti kehe atu ataotih ihe; ohtye oonighanintyeli ihe.

<sup>7</sup> Koos inchi ghililon: kahchu sa ooghatitsuklon yatsi, toowe otieh, Tai la se Chue menusli: Soozetso.

<sup>8</sup> Intyizon, aonetye ookaghanetha, atuline otehchi kiya-i, Jesus zon kooyekatech.

<sup>9</sup> Khis chi chyesta ghatesyetylu, yanaootatich atuline tataeonti ooli ohwehtyi, teze Chue niya ate zon mazetse otsi. <sup>10</sup> Ayi zake kaghaghatalon, ayi yea tane zetse achatya oontye toon ghlaghatati.

<sup>11</sup> Kahchu yehoo gha kiyehiti, atesklesne yehoo gha koohtatya oontya Elias hatse naoojezi?

<sup>12</sup> Kahchu ateyatetlalon, yatatio yu, Kwa hli Elias hatse niya, atghe chu ooli sookah niionila; kahchu takehnichatinkles akehe teze Chue ihe, natlon ooli kaootoohanu, kahchu menachule. <sup>13</sup> Ahwole

sun i anaghaisii aontye, Elias kwa hli nooja, akooghati sikooh kooyechechatihtihch, takehlichatinkles akehe atanewoh.

<sup>14</sup> Kahchu yaotatichne wohniya tsi, tane natlone yehkyatich chu yailon, adesklesne chu, taontya tookooyetilon. <sup>15</sup> Kwete atghe kiya-ichi, atghe kaooghalilon, kahchu kichiodehsut yilaghinchutlon.

<sup>16</sup> Kahchu adesklesne tsi, Taontya nayeti?

<sup>17</sup> Ehlaiti chu tane natlodi otsi ateyatetla toowechu yehti, Metihi nananihtyi sachue ayehi atsinde saititakli; <sup>18</sup> Kahchu oolita yihchut assiti koohoontye yayaghinchil: maza tsi oohwoos ooli chu, maghoo natazutsun chu, toontyiyazighai chu: kahchu taontya kooyesi mawotintichne ghakitoohai gha; kwa hli kooyandatla.

<sup>19</sup> Ateyatetlalon ahwole toowe ehti ihe, Naghai naghaje toontooe assine, taisa tsi otsi naghai aostya aontye, taisa tsi otsia naghatagha ooslya aontye? Sananaha.

<sup>20</sup> Kahchu kiyananihoo: ya-inchi kwete atsinde kooghoontye yayaghinchil; kahchu tike nadsut, kahchu yatatatyech maza tsi woohos hailyi.

<sup>21</sup> Taontya yatgha tsi ehti taisa toh otsi kooh hoontyontya? Toowe yehti tsito ali toh otsi kooh hoontye. <sup>22</sup> Oontlon chu tsichataintyi tyenayehtyech ahoo yu, chahteyauliassi: ahwole oolita aotunatlhlon ate, ahoochunaya, kahchu ahachinooyeh.

<sup>23</sup> Jesus toowe yehti, Aha koodinti ate, atghazi ooli nakeotoonezi ayi aha kooti.

<sup>24</sup> Kahchu kwete ayi tsito tatgha tsi otyesta, toowechu ehti manatu ooli, Naghaghintai, kwa hwe a koosti; oochinooyeh atu a koodestih.

<sup>25</sup> Jesus wa-ichi tane yuhchiinhlaghatelyu, atsinde metselihi tsighotye, toowe yehtie, Nuni naza oontooehi najih oontooe ahoo yu atsinde nali, ohtye anesii, yuhchihadiya matsun tsi, atu chu mazi kahchu taooya.

<sup>26</sup> Kahchu atsinde otyesta, kwete chu yayaghinchil, kahchu yatsun tsi ghotyehsa: kahchu tane zetse etyelon; ayiwola natlone, Tehtsut ghatya aontye. <sup>27</sup> Ahwole Jesus yila inchut, kahchu tahyatihtyih; kahchu tsitike nesta.

<sup>28</sup> Kootoo kooyachi nito kwa, yaotatichne sahti wahtila yehtilon, Yehoo gha naghai atu nanitun oontye?

<sup>29</sup> Kahchu toowe yehti, Haoontyedi atu ghatyeh ooli ihe ghachatayach, neaghassuchuli zon atu atsutsits ihe chu.

<sup>30</sup> Ieti otsi achughatestyeti, Galilee chu kyechoghatestyeti; koochchu kootilon atuline atawo-otih.

<sup>31</sup> Atai yaotatich ihe yaotatichne, toowechu yehti, Teze Chue tsataghinsut tane tgha, kahchu kizoohelessi; kahchu tsazehai ate, kahchu tsitike nawataizi taiti dzinee. <sup>32</sup> Ahwole atu ooghatitsukoo ayi zake, kahchu taontya kiyutekhai ooianh kyeghanejit.

<sup>33</sup> Kahchu yuhchidesha Capernaum: nito kwa oota ati otye taontya yehtilon, Yea khama ootahtyechii atghunni otichi? <sup>34</sup> Aghoo atu yachutyehlon: aghatai hahte atghunni otichi hoonchati inchi sooghatatyehlon, mea otehchi chatinchai kha.

<sup>35</sup> Kachu nesta, keneti onketi matgha tyechi yehti, kahchu toowe yehti, Ooline haladi tooshai ate, ayi zon hli haistlachi ayuhezi, kahchu tane gha aonetye gha keo-otechassi.

<sup>36</sup> Kahchu tsito niyatihtyeyi, kahchu tane kuzze nayenihti: kahchu yakoone yinchut tsi toowe yehti, <sup>37</sup> Mea so niyatuhtyeloo ehlaiti ayi etye tsito sindizi kehchi, suni nisatintyeyi: mea so nisatuhtyeloo, atu suni nisatintyeyi, ahwole ayi yuhchisatyehai.

<sup>38</sup> Kahchu John ateyatetlalon, toowe ehntie, Meti, ghityii ehlaiti atsinde metselihi hayateha nindizi ihe, atu chu naghaketayeh: kahchu nanitun, atu naghaketayeh ihe.

<sup>39</sup> Jesus toowe ehti koole, Atu nanaghahun, atuline keoosahch akehe keo-oahchassi sindizi ihe, kwete ketseli hakehe sachuhooteissi. <sup>40</sup> Kahchu ayi atu chahte anahilai naghachinati. <sup>41</sup> Mea so chu naghaooolu ehlaiti tsa taismanni tu woton tsindizi ihe, Christ ezon manatunne aghli, kwa hli anaghaisii, atu tayatooalassi machitikechalihi.

<sup>42</sup> Kahchu ooline chahteyayile assine ehlaiti tidi natsutli aha sooti, otehchi ootaizi atunewoh mehnachahntune kazze tsye ma koos echaghesklu ate, tyechnunnityeh ate tu chok ticha tsi. <sup>43</sup> Kahchu nila chahtontye ate, hlyenihul: otaihchi oochu nuni gha kweghoya tsaghatati achaghilili ihe, nila onketi aghoo kochi otsitya iyu aontye khoon metselihi tsi, khoon atu nanatsaisti: <sup>44</sup> Nootya atu taikyehi, khoon chu atu nanatsaisti. <sup>45</sup> Kahchu nakye chahtontye ate, hlyenihul: otaihchi oochu nuni gha kweghoya tsaghatati achaghilili ihe, nakye onketi aghoo ghotsinachatutyeissi khoon metselihi tsi, khoon atu nanatsaisti: <sup>46</sup> Noota atu taikyehi, khoon chu atu nanatsaisti. <sup>47</sup> Kahchu natai nihe atu oochu ookaitghai ate, hanehchul: otaihchi nawotaizi Nagha Tgha tike tsi oowooeissi natai ehlaiti ate, natai onketi aghoo ate otsinachatutyeallassi khoon metselihi tsi: <sup>48</sup> Nootya atu taikyehi, khoon chu atu nanatsaisti.

<sup>49</sup> Aitye tane sootakun natghachulelassi khoon ihe, tsichatullihii assi chu sootakun ihe matghaachulehesi.

<sup>50</sup> Sootakun oochu: ahwole sootakun natuetah sootakun matghachilihi, tyeha kyeheha sootakun matgha awahhliha? Sootakun kyatihch, kahchu oochu eotine klahtyi.

## 10

*Tghaohyertia keneti.*

<sup>1</sup> KAHCHU iiti otsi niyya, kahchu yuhchiklodesha Judea ti otaihchi Jordan natyechi: kahchu tane yinkhatyehsha; kahchu tane ootanaun akehe kooh otye keeoach ahli taneghaotatyechoo.

<sup>2</sup> Kahchu Phariseene yechitestyetl kahchu taontya yehti, Oochu la teze tatsiyue yechanaolohu aotezi? kikaotyehunoooh.

<sup>3</sup> Kahchu ateyatetlalon toowehchu yehtilon Tyeha kehe anaghehtya Moses?

<sup>4</sup> Kahchu toowe ghati, Moses hatyeh kha syeklah takehnicatinklessi o-ochatihtyehi adusklesse, kahchu oonchatohtyellu.

<sup>5</sup> Kahchu Jesus ateyatetlakahchu toowe yehti, Naghadzye natsut akehe ayi ihe naghatsi achateskleslon tidi sa. <sup>6</sup> Ahwole hatseto otsi tike ooli toh Nagha Tgha teze oola tsege chu. <sup>7</sup> Ayi otsi teze tatgha echeli to chu kahchu tatsiyue kah awoti; <sup>8</sup> Kahchu kooh chu onkeghatatyee kootsun ehlatootyeesi: atu otaihchi onkyeghatutyeesi ahwole kootsun ehlatootyeesi. <sup>9</sup> Oo ayi Nagha Tgha tsyaghehtichii, atuline inchake niyulel.

<sup>10</sup> Kahchu nito kwa oota yaotatichne taontya yehti kwaka inhligi tsi. <sup>11</sup> Kahchu toowe yehti, Ooline assine tatsiyue odehtyetine achune chu makahtueh akoochaile ate, soocha keoach. <sup>12</sup> Tsege chu tatsiyue odehtye, kahchu makahtueh achilai ate, soocha keoach.

<sup>13</sup> Kahchu kiyananihtyi tsito yechihai, yekatootihi; yaotatichne yachuootatyech ayi naghanihtyisi ihe. <sup>14</sup> Ahwole Jesus wa-ichi, ohtye atu minihtike ooghilelon, kahchu toowe yehti, Ghateh kooyasahlah tsito yechihai sachaghatutyeli, kahchu atu nanahahun: ayi ihe nao-oaizi Nagha Tgha kyeyih tsi. <sup>15</sup> Kwa hli anaghaisii. Ooline atu niyatooti Nagha Tgha kyeyih yechinekehchi atu Nagha Tgha kahchi koowoyezi. <sup>16</sup> Kahchu yakoone ihe niyatintyih, kahchu yakatihtich, kahchu oochu yachi indityesa.

<sup>17</sup> Kahchu yitai tyesha atghunni kehchi, ehlaityi yuhchidesha ghatlelu, kahchu yachinachustatalih, kahchu taontya yehti toowe, Oochu Tanechiotyihii, tawoshlaitea ahtaze wostazonha?

<sup>18</sup> Kahchu Jesus toowe yehti, Yehoo gha oochu indityesa sindilon ha? atuline oochu oontye ehlaityi zon, ayi Tikeaootli. <sup>19</sup> Sa tsiwihzon atanati, Atu soocha aonta, Atu chu tane zaoohel, Atu chu anaooih, Atu chu ketselihoo tsiwotahoonchich neotinoo, Atu chu tane nawoah, Ohtye taghooncha natgna chu noo chu.

<sup>20</sup> Kahchu ateyatetlalon toowehchu yehti, Taneghaotatich, atghe tidi kama indityeaiih yesihito otsi.

<sup>21</sup> Kahchu Jesus yakaitgha, yuntyeh, kahchu toowe yehti, Ehlaityi ooli nainchi tehtsut: ootinta, anehisi anetye mataghaneli, tyetaisanaine chu ghatanale, kooh ohtye natatootlosi ya tehchi: kahchu yuhchidiya, kahchu ninaootiah ayi sookatiya-i, kahchu sakehtiya.

<sup>22</sup> Kahchu atu oochu indityesalon ayi sa tachi, kahchu yitaityeshalon atu keneli ihe: atane ohtye ooli natlon ayehilon.

<sup>23</sup> Kahchu Jesus klokanatgha, toowehchu yehti yaotatichne, Tewotyee atalate ayine matatintlone kwewootyelassi Nagha Tgha nataghe tsi!

<sup>24</sup> Kahchu yaotatichne yazake kaooghulli. Ahwole Jesus ateyatetla kahchu toowehchu yehti, Tsiotkhaine, tahtye indatlaoooh ayi kiyasooli mehmetatintlon kwewootyelu Nagha Tgha mataghe tsi! <sup>25</sup> Ayi kyeotunni ghatai kwewotyizoo apetsiche kaookoodi, o-ochi matatintlon ehlaityi teze kwewoya Nagha Tgha nataghe tsi.

<sup>26</sup> Kahchu o-ochi ghaoooghali, toowe hlaghatati ihe, Mea mechua aghatoota?

<sup>27</sup> Kahchu Jesus yakaitgha toowe yehti, Tane la atu kookechi niioontsit, Nagha Tgha la atu kooh hoontye: aha atane Nagha Tgha atghezi ooli mahechi niioontsit.

<sup>28</sup> Kahchu Peter toowe tyi ehti, Nea anetye kyecho tasityetl, kahchu naghakehtasityetliih.

<sup>29</sup> Kahchu Jesus ateyatetla toowehchu yehti, Kwa hli anaghaisii, atuline ooli kyeghachelihine nito kwa, mekye koole, mehtghizze koole, matgha koole, ma koole, matsiyue koole, maskyeege koole, matsatle koole, suni ihe, kahchu otich oochu ihe, <sup>30</sup> Ahwole otsinitooalassi keonetyi ketyi otehche enetyi too, nito kwane, mekye chu, mehtghizze chu, matgha chu, ma chu, maskyeege chu, makyeyih chu, kahchu tsookatayaghi chu; kahchu achu tike tsi ghonioonizut ate kwihzon ehchaghatai. <sup>31</sup> Ahwole natlone haladi atine haistlachi awotyeeissi; kahchu haistlachi atine haladi awotyeeissi.

<sup>32</sup> Kahchu atghunni aghatii Jerusalem otsi ghatestyetlu; kahchu Jesus yaghatyasha: kahchu kawoghuli; kahchu kiyahsellu oonighanietlon. Kahchu niyatila keneti onketi matgha kahchu yatatati yesoo yuhnii ihe, <sup>33</sup> Toowe ehti ihe, Nea Jerusalem otsitatyetli; kahchu tane Chue niya-toohyelasani taneghaotatich tyiine, adeskesne chu; inkai mazetse ooli kiyehnton, kahchu kiyaniyu-tyelessi achunene; <sup>34</sup> Kahchu kiyachaochesi, kahchu kikatootoozassi, kahchu kikyehoozekassi, kahchu kizoohelassi: taiti dzinee awoochi ate tsitike nawootyeissi.

<sup>35</sup> Kahchu James chu John chu, Zebidee chue, yachidesha toowe yehtie, Taneghaotatyechi, kooh koosti aghaawoti akootiti sikooh.

<sup>36</sup> Kahchu toowe yehti, Yea sachi niioonunassit naghachanasti?

<sup>37</sup> Kahchu toowe kiyehnti, Aghaniah sookah ookyetih, ehlaithi mehoonati, hligi oosklaghazihye, nachatinchali kehe.

<sup>38</sup> Ahwole Jesus toowe yehtii, Atu atawahti ooli ootahkyeti: atu mihe tuwahto la ayi tsa mehtughastoi? kahchu tunaghakechuhkliti ayi mehtanekhaitsikliti ayi ihe nehsakaichihkliti?

<sup>39</sup> Toowe kiyehnti, Atu ahandatla. Kahchu Jesus toowe yehti, Kwa hli tuwahtoissi tsaeh ieti otsi tughastode; kahchu ayi mehtukhaitsihkliti mihe tusakechihklitii ihe ayi ihe mihe naghakyechuhklitassi: <sup>40</sup> Ahwole wostyi chisinchi chu tayaghetichu oosklaghazintye atu si senatunne eli kaooali; ahwole kooyachulelassi ayine kooya so-ochesunne,

<sup>41</sup> Kahchu kenetyine aghatitsuk chi ohtye atu yatsi kyehanelilon James chu John chu. <sup>42</sup> Ahwole Jesus tyechi yehtilon toowechu yehti, Atawahti ayi kechanehtya kehe kikaootsutti ayi achune kooyakeolech; kahchu kootaitiye kooyaghatlah. <sup>43</sup> Ahwole naghai atu kooh akehe naghahyeissi: Ahwole ayi koonoochu sachatoohcha kooti, naghani ayi nagma keo-otichassi: <sup>44</sup> Kahchu ooline assine naghani ihe haladi miindichatoesi o-ochi chatoochhai gha, tane glia keo-otichassi achanyete gha. <sup>45</sup> Ayi aghoo teze Chue atu makeochatichi ihe yuhchideya, ahwole tane gha keo-otichassi, kahchu khaooallu yeghataisi natlone yatachi ootane.

<sup>46</sup> Kahchu nighanintyeth Jericho: kahchu Jericho otsi hatayaooch yaotatichne chu tane natlone chu, mataituehi Bartimaeus, chue Timaeus, tinkuzze satah tyechihi ihe. <sup>47</sup> Atitsuk chi ayi Jesus Nazareth chihatyetzutti, ohtye tyi otyesta, kahchu toowe yehti, Jesus nai chue David, soonchoonaya.

<sup>48</sup> Kahchu natlone yatati atu awotihhi gha: hoontye ooli otaihchi ohtye otyesta, David chue, soonchoonaya.

<sup>49</sup> Kahchu Jesus hlininiya, kahchu kwehakehe ehti. Kahchu tyechi kiyehnti ayi teze mataituehi, toowe kiyehnti ihe, Kyeneneli, niia; tyechi nehti. <sup>50</sup> Kahchu ooyadehchus yiatehtakadi, niia, kahchu Jesus tsidyehsha.

<sup>51</sup> Kahchu Jesus otyesta toowechu yehti, Ye sachinioonunisita anusleha? Ayi mataituehi teze toowe ehti, Aghaghintai, setai saanaoontlihi.

<sup>52</sup> Jesus toowe yehti, Taihchi ootinta; na-ihe naghinta. Iitetyeh matai naootli, kahchu Jesus kyehtesha atghunni.

## 11

### *Tghachyestla keneti ehlaithi matgha.*

<sup>1</sup> Kahchu hwa aghatyai Jerusalem, Bethphage chu Bethany chu chisinchi, khis kuchi Olives aghatyai, yitaityeha onketyene yaotatichne, <sup>2</sup> Kahchu toowe ehti, Taihchi otsitahyeth yito kwa oontlo chi naghanataihchi: kahchu kweghaachatyeh soosooklya aghahyelasani taghaklu, atu makai achatyai; tahwahut, kahchu yuhchinaghahtye: <sup>3</sup> Kahchu ooline toowe naghai tyete, Yehoo gha kooghahyehya oontye? kooh taghahti, Metihhi tyiye hehti; kwete cho otsi nayaduesi.

<sup>4</sup> Kahchu yitaghahyethyeth, kahchu soosooklya kiyintyi taghaklu tusklahooka atghunni yaghintyidi; kahchu tahkiyainghut. <sup>5</sup> Kahchu tahkiae iiti naihyani toowe kiyehnti, Yehoo gha kooh hahtya oontye taghauhti soosooklya? <sup>6</sup> Kooh kiyehnti koohotyete ayi Jesus akooyehntii: kwa kootayinchut. <sup>7</sup> Kahchu soosooklya Jesus gha naghunihtyi, kahchu kiyeatetahkatti keghihla; kahchu yakaisata. <sup>8</sup> Kahchu natlone kiyeatetahkatti atghunni tsiyaghestla: kahchu achune naghaghilul tatsi tachin tsi, kahchu ghatyeh atghunni ghatunihla. <sup>9</sup> Kahchu ayine haladi atine, kahchu ayine tanekeghataillhne, oghatyesta, toowe ghatieh, Hosanna; Moohchuoootaya ayi yuhchideshai yindizi ihe Naghaghatai:

<sup>10</sup> Koonoochu moohchuoootaya manataghe nagma tgha David, yuhchideshai tindizi ihe Naghaghatai: Hosanna ayi zon o-ochi yataihchi miindiotehah.

<sup>11</sup> Kahchu Jesus kwiya Jerusalem, o-ochi tyetachatihi kwa chu: kahchu kootoo anetyete ooli ookaghanehtghachi, kahcu kakhachi aoocha koohnioonizutooh, hadesha Bethany tsi keneti onketi matgha chu.

<sup>12</sup> Kahchu naodike tsi, oostatyetel Bethany tsi tapat: <sup>13</sup> Kahchu chiche chok chine toontyetsi ya-i maton ooli, yuhchidesha intyizon ooli ion ate: yuhniya tsi aton zon yilah; atu ka chiche nichatilesti kho noonizut ihe. <sup>14</sup> Kahchu Jesus otyesta toowehchu yehti, Atulire otsitsassi chiche nai ihe too otsi noonizutti otsi. Kahchu yaotatiche oohatitsalon.

<sup>15</sup> Kahchu nighanintyetel Jerusalem otsi: kahchu Jesus kwiya tyetachatlihi kwa otyiyi, kahchu hayadesla ayine atagholane kahchu ataghatotane tyetachatlihi kwa otyiyi wota, kahchu yechonayadehklit yakehtai ayine sooniya klaghayihne, kahchu yestahi chu ayine oyetli tagholane; <sup>16</sup> Kahchu atu hatyeh yasehlai iyu maaootyete ooline yatooai oolita tatawochulih tyetachatlihi kwa otyiyi oota. <sup>17</sup> Kahchu yaotatichi, toowe yehti ihe, Koo atu kooh akehe nichatinklessi la, Sa kwa anetye tane tyetachatlihi kwa wowohyih? Ahwole kooh awahtla anoosine tane.

<sup>18</sup> Kooh adeskesne chu taneghaotatiche tyiyine metihi chu oohatitsuk, kahchu oonkhaghanatgha tyeha kehe chahtekiyule gha: yeghanejit ihe, aitye tane khaoooghulli ihe yachihootehe.

<sup>19</sup> Kootoo kahkachi ooli tsi, hadesha nitokwa wotyih tsi.

<sup>20</sup> Kahchu hatlindo aoocha, taihchi ghataihlu chiche chine maghaye otsi ya-ikoonoo kiya-ih. <sup>21</sup> Ayi Peter kyejetitihyu toowe yehti, Taneghaotatyechi, makintgha ayi chiche chine atu tyeswe adintii kwa sakoon.

<sup>22</sup> Kahchu Jesus otyesta, toowehchu yehti, Nagha Tgha aha oodinti. <sup>23</sup> Atai kwa hli anaghaisi, ooline ti khis atyetane, Achu ninintsit kahchu otsinachatoohyeli tu chok tsi; kahchu atu tawahkootye ate tadzye ihe, ahwole ihe kootilon ate ayi ooli ehtii sakyehchi niwotsitti; awohiisi atghazi ooli tyekootesi. <sup>24</sup> Ayi ihe anaghaisii, Ooli si nioonunisitassi, aghaswehlye ate, ihe kootahti nitaghahali, koohzon naghahaisi. <sup>25</sup> Kahchu natahya otye aghaswehli intyizon ooline oolakehe chahte meititaai ate: Nagha Tgha naghai chu ya tehchi ati naghaoochatoohulassi nagha metselihi. <sup>26</sup> Ahwole atu ootalai ate, atu naghani chu Nagha Tgha yatehchi ati naghaoodohulassi nagha metselihi.

<sup>27</sup> Kahchu yuhchighatetyel Jerusalem tsi: intyizon ghayahlhu tyetachatlihi kwa otyiyi oota, yinkhadesha taneghaotatichi metihi tyiyi, kahchu adeskesne, kahchu haladi meindi chatehaneh, <sup>28</sup> Kahchu toowe yehti, Ye makaoonatsut ayiwoh keonaahch aootyete? kahchu mea nayiwa tidi kakaoodzutti keonaahchi tidi ooli?

<sup>29</sup> Kahchu Jesus ateyatetla toowehchu yehti, Suni chu ehlawotatyete taoontya naghosyeassi, kahchu satahta ate, naghatahuysi ye kakaoodzutti kooh akehe kewohahch aootyete tidi ooli. <sup>30</sup> Matukeghihliti John yataihehi otsi la tatyestet oontyete, tane tsi koole? kootatinti.

<sup>31</sup> Kahchu inchioghatatyech, toowe ghati ihe, Koohtityete ate Yataihchi otsi; kooh tootyetezi, Yehoo gha tawah tahtyaootyete? <sup>32</sup> Ahwole koohtityete ate, Tane tsi; tane eghanejit: ayiwo aitye tane koohkiyehti John, yaghi kwa hli tanetaghatahchne ali.

<sup>33</sup> Kahchu ooghatyesta kahehu Jesus tsi toowe kiyehiti, Atu koowoti. Kahchu Jesus otatihch toowehchu yehti Suni chu atu naghatahuysesi naghakaoodzutti ayi ihe keonaahch tidi ooli.

## 12

### *Tghachyestla keneti onketi matgha.*

<sup>1</sup> KWA tyi yaotatichi yiheaghasule. Ehlaite yaghi tane oonehye chiche chok chine ochunehyehiti, kahchu anetye ootaisuggi oola lon, kahchu hayaghinkyetlon ayeti chiche tu taaoohklitigha, kahchu nayaghintsih khaghatai kwa, kahchu yaniyiooh oonehyene tane, kwa tontyetsidesha. <sup>2</sup> Kootoo koonioonizutooh otsiyateha ayi ehlaite yakeotiche yinkhadoya natlone tezoo, yayal assilon chiche natlone tezoo chiche chine oochunihyehiti tsi. <sup>3</sup> Kahchu nighatintyiti, kahchu kikutatooz, kahchu tahzoh achukihete. <sup>4</sup> Kahchu yachideha achune woaine; kahchu ine tsihadehyitl, kahchu tsinakoozehai yeti ihe, kahchu achukideha maooya ooli. <sup>5</sup> Kahchu achune otsideha; kahchu ayi hazehai; kahchu achune natlone, tahkine chu kikutatooz, tahkine chu kizehai.

<sup>6</sup> Kwaka ehlaite machue ayehi, o-ochi mandayadetlahoo, ayi chu haistlachi yachiyadeha toowe ehti ihe, Kiya indi nootghahassi sechue.

<sup>7</sup> Ahwole ayine oonehyene tane toowe hlaghatati, Tunela katsila kakaoozutassi; kwa hoote zaooogheli, kwa naghani kakao-odzutassi. <sup>8</sup> Kahchu nighatintyiti, kahchu kizehai kahchu khakitihyiti chiche chine ochenihyehiti iite otsi.

<sup>9</sup> Yea aati ayi kakaoodzutti chiche chine ihe ochanahyehi? yuhchinatlone chahtawoleissi oonehycne tezoo, kahchu achune chiche chine ihe ochanahyehi ghaooolassi. <sup>10</sup> Koo kahchu atu makeh ootaghattechila tidi aduskles; ayi tseye kiyenali? ayine nito kwa aootline ayi hatse oohniya sookewostidi: <sup>11</sup> Tila Aghakaoodzutti makyeoahchi, kahchu ohtye kawochulih naghataitgha?

<sup>12</sup> Kooh chu onkhaghanatgha kiyuhchutigha, ahwole tane eghauejitol: aghantane atawo-otih ihe ako-oyehiti ihe ayi meaghasoohali: kahchu kiyechutestyetllon, taichi ghanintyete yu.



<sup>13</sup> Kahchu kichiteha tahkine Phariseene chu Herodiana chu, kiyukluhchi gha yazake. <sup>14</sup> Kootoo nighanintyetyl tsi, toowe kiyehiti, Taneghaotatich atawotihl hlodinti, atu chu ooline inaoohoontyiaasi: atu chu kyinditanihl tane oontya kehe, ahwole taneghaodintich Nagha Tgha oontya kehe matlon-tideh: Tsiwohzon la machulelu mehtikechilehe sooniya Caesar, intooe ate chu? <sup>15</sup> Kaooyeli la, atu kaooyeli koole? ahwole atai atawonatioo meaneaha, toowe yehti, Yehoo gha sakaootahun aoontye? sananahah sooniya satsoone, wosyekhai. <sup>16</sup> Kwa nakiyiooh. Kahchu toowe yehti, Mea achintye sikoooh kahchu takehnnichatinklesi mindizi? Kahchu toowe kiyehiti, Caesar tsi.

<sup>17</sup> Kahchu Jesus ateyatetla toowehchu yehti, Caesar ghanahah ayi ooli ayahi Caesar, Nagha Tgha chu ooli ayahi Nagha Tgha. Kwa Kiyaooolih.

<sup>18</sup> Kootoo kooyinkhachatestyetyl ine Sadducee yaghine nachaghintai oontooe ghatine; kahchu taontya kiyehiti toowe ghati ihe, <sup>19</sup> Taneghaotatyehchi, Moses aghaadusklesiih, Ooline mekye tehtsut, ate, matsiyue chu yechodyesha ate, kahchu tsito atu yechodyesha ate, mekye matsiyue niyatahtyeloo, yaskyege yayanuhi tsito mekye. <sup>20</sup> Oowhilihi taiuchine hlyehligi ghili: kwa ayi hatse tsege nitintyi, tehtsutooh atu tsito yechodyesha. <sup>21</sup> Kooh chu haladi tachi tsege ninayatihtyi kahchu tehtsut atai chu atu tsito yechodyesha: haladi tachi ayi chu kwaka hlyeih. <sup>22</sup> Kahchu taiuchi aline aghahiii, kahchu atu tsito yechoghatatyel: hli haistlahchi ayi tsege tehtsutii. <sup>23</sup> Hooghaghintyetyl tsi, tsitike ghaiskye tsi ooli ate mea soo ate yakahoota tyiooh? taiuchi ghili aghanetye kookahsatolon.

<sup>24</sup> Kahchu Jesus ateyatetla toowehchu yehti, Atu kha yaghayala, atu itawahtihl ihe, aduskles tyiyyi, Tikeaootli koole manatsutti? <sup>25</sup> Kootoo tsitike ghaiskye ate koozetse otsi atu inkah tueakoochila koole atu chu hlakoochilalon; ahwole keotihchi tyiyyi yeghinhtyelon yataihchi ati. <sup>26</sup> Ahwole tehtsut ine, tsitike nawokyesi: atu makyeh ootaghatyechtah ooli la Moses adusklese, tyeha yehti kat tsaghehtonti Tikeaootli yechiintechii, Suni Tikeaootli asli aoontye Abraham tgha asli, kahchu Tikeaootli asli aoontye Isaac tgha asli, kahchu Tikeaootli asli aoontye Jacob tgha asli?

<sup>27</sup> Oochu natoonee atu yeta odeha ahwole yaghitane gha: ayi ihe o-ochi kayaghatsut.

<sup>28</sup> Kahchu ehlaiti adesklesi yahchidyeshla, kahchu atitsuklon ihe inchiotatyech otye, kahchu atawotihoo tsiwohzon ateyatetlalon, taoontya yehtilon, Tyeya ootaihchi hatse tsiwotsatyehli?

<sup>29</sup> Kahchu Jesus toowe hakehe ateyatetla, Hatseto tsiwotsatyehli anetye asikoooh titih Nea oozintso, Israel; Naghaghatai Nagha Tgha atane zon Naghaghatai aoontye: <sup>30</sup> Kahchu maoontye Nagha Tgha Naghaghatai atghe nedzye ihe, kahchu atghe matsinde ihe, kahchu atghe nindi ihe, kahchu atghe nanatsutti ihe: ayila hatsetoh tsiwotsatyehli. <sup>31</sup> Oo ayi onkye kwa hlye oontye, toowe hakehe, Mataghoonti nehtanoone natsun matintya kehe. Oontooe tsiwotsatyehli ootaihchi miindichatoohai tizon.

<sup>32</sup> Kahchu adesklesne toowe yehti. Kwa hli Taneghaotatyechi, kooh tinti ihl onchati: ehlaiti zon Tikeaootli ali; atu achune atune zon: <sup>33</sup> Kahchu machutyeh atghe khadzye ihe, kahchu atghe atsatsitsuk ihe, kahchu atghe khatsinde ihe, kahchu atghe mehnatsutsut ihe, kahchu yuatutih yetanoone atwati yakehe, ootaihchi kyeindi ootaha ayi aghoo atghe tsichatihuli chu inghade keochaachi chu.

<sup>34</sup> Jesus wa-inchi ooyu tahwohzon, toowe yehti, Atu tontye tsi anatih Nagha Tgha nataghe otsi. Atu ayi keh taoontya atu nichatitah ooli.

<sup>35</sup> Kahchu Jesus otyesta toowehchu yehti taneghaotatyechoo sahtgha tyetachatlihi kwa tyiyyi oota, Yehoo gha adesklesne kooghatya oontye Christ David machue? <sup>36</sup> Ayi ihe David atane koochati kooehtii Atsinde Oochu ihe, Kakaoodzutti kooyehitii Sakaoodzutti, Nuni sinta noohtichintye atehzonih aiseakooyasle ate tsintanine.

<sup>37</sup> David atai hoochati nai Kakaonadzutti yehti; tyechi otsi gha machue yilontye? Tyetaisanaine kyehanelilon oochu kititsalon.

<sup>38</sup> Kahchu toowe yehti machiootehe, Matsagha ghahta adesklesne, tane ayine kwaghintyene koo kestue yaintyene, kahchu kwaghintye kyila chihchiche inchiatahachulihti. <sup>39</sup> Kahchu asta otyihtii tyetachatlihi kwa, kahchu o-ochi nataghisatooh asta kwehluchayihiti: <sup>40</sup> Chahte akiyila ya kwa waatyihl, kahchu tane ghanaahoooh oontyes oohatatyech: ayi ti otsinighatooalassi ohtye otaihchi ketselihoo keochaahchi.

<sup>41</sup> Jesus chu sata sooniya ninchatilesti oghade, kahchu tane ya-ih iotsi sooniya otsiyatelyihoo kweotsi nichatilihi sooniya; natlone chu tatintlone natlon kwechihatehul. <sup>42</sup> Yuhchidesha ehlaiti tsege tiesunni waatyihl ali, kahchu kwehchiatehyitl o-ochi yaintsutli onketya sooniya satsoone toolya ehlaiti sooniya satsoone enetya eyontyi.

<sup>43</sup> Kahchu yaotatichne tyechi yehti, toowehchu yehti, Kwa hli anaghaisii, tai tiesunnioo waatyihl naghataihchi ohtye kwechiatestla, anahtye naghai ooia kwechitala sooniya nichatilesti: <sup>44</sup> Ayi ihe aghanetye kwehchighadestla kootatintlon otsi; ahwole atai yindatli otsi kwehchiatehyitl anetye ayehesi, anetye ooli yighataisi.

## 13

*Tghachyestla keneti taiti matgha.*

<sup>1</sup> HOONTATAHOOH tyetachatlihi kwa otyiyi tih otsi, ehlaityaotatichi toowe yehti, Taneghaotintichi, nea ti tsye naih atotype, kahchu nito kwa atotype chode ooli!

<sup>2</sup> Kahchu Jesus otyesta, toowehchu yehti, Onaila tidih kwa tyiyi tonli? atu ehlaitya woo meachu chatuyesi tsye tasao nachatihilassi.

<sup>3</sup> Kahchu sata klataihchi khis ke Olives ooghadet tyetachatlihi kwa tyiyi, Peter chu James chu John chu Andrew chu taoontya kiyehilton sahti aghati zahtgha, <sup>4</sup> Aghatatinti, taisatsi ooli khoonoozit aontye? kahchu ate taoontyaontye kootoo anetye ooli ooghadet nininkye ate?

<sup>5</sup> Kwa Jesus atoyatetla toowehchu tyi ehti, Tyeke atuline naghanooah: <sup>6</sup> Natlone chu yuhchighatutyellassi sindizi kehchi, toowe ghatuti ihe, Suni Christ; natlone chu ghanooahassi. <sup>7</sup> Kahchu atahtsuk ate natsapahi kahchu natsapahi eoyu ate, atu nagma khazatawahtyel: ayi etye ooli kehchi nio-otsitassi; ahwole halohchi atuka koochnao-ozitassi. <sup>8</sup> Ayi ihe ehlaitya tane ghataghitodeh kiyinkha ghatapah achu tanane, kahchu tane tike inchi niyhach: kahchu eonetye tsi tike ootooloone tsi, kahchu wo-olyesi to khasihai tsookachatayahi chu: ayila tateski ochaty kyeatsunatsitti.

<sup>9</sup> Awole achukhahahta naghai: naghaghatoochitassi tsiwotsatyelchi; kahchu tyetachatlihi kwa oota naghaghatutsyessasi: kahchu nanaghachulelassi haladi tsiwotyihy metihy o-ochi metihy tyiyi chu suni ihe, ayi ihe kooyeh ooghahtichoo. <sup>10</sup> Kahchu otich oochu ihe hatse kooyehoochutchassi tike okehe atghe tanane tsi. <sup>11</sup> Ahwole otsinaghachataistle ate, kahchu naghachataitsut ate, atu ahunataihchi kindiwahtsit atawahtyakehe sootasun koole ataghahkyakehe: ahwole ooli si naghachualassi ayi sakehchiaghali ayi otahtich: atu naghani otahtyech ahwole Atsinde Oochu.

<sup>12</sup> Mekye taza ihe yatutsitassi azeche tsi mekye, kahchu atgha khachue; kahchu tsihone koonachine niwootyellassi, kahchu nakiyuteissi tsazuheli gha. <sup>13</sup> Kahchu naghai tane naghachatuh Ikeassi sindizi ihe: ahwole ayi ayuhi haistlahchi otsi, ayi nachaohtaisi.

<sup>14</sup> Ahwole wa-itah ayi metselihi chahtehnitsutsiti tsi kamaotatyehchi Daniel atanataihchi atawatihi nachaghintsitti ayiti o-otooassi lon, (ayi aghasule inkai ootootsukki,) inkai ayine Judaea aline khis tsi ghatoowhezi: <sup>15</sup> Kahchu ayi tahtaghatsi nito kwa atu noocha nito kwa otsi, koole atu ayite kwewoya oolitalh nitoooluh makwa otsi: <sup>16</sup> Kahchu yaghi achunihyehti oota atu atahnatoocha yehatyetakhati niyatooallu. <sup>17</sup> Ahwole atu oochu awohtyeyi ayine koozita tsito tehtsine, yaghine chu tsito yehtochne ayi dzinee! <sup>18</sup> Kahchu aghasuahlih nahuthataklihi atu yaske ooli. <sup>19</sup> Ayi ihe dzinee oolezi tsookachatayahi, ayi etye natooehi zon oolih toh otsi hatseto tike ooli toh otsi Nagha Tgha ayilahi, kwa hlilon too otsi, atu koole o-otoowesi.

<sup>20</sup> Kahchu atu Tikeaootli dzinee nakhasse oolai ate, atuline ootaizilon: ahwole matghachihchine tsi, yatgha-ihchilon, natya oolalon ayi dzinee. <sup>21</sup> Kahchu ooline toowe naghahyete ate, Nea, taila Christ; koole nea, yaghitih atih; atu a Kootaghathi: <sup>22</sup> Ayi ihe atu tyeswe Christ kahchu atu tyeswe ghaghata neiwootyellassi, kooch chu kiyuesi ehrole kahchu kawochuli, aghanooahi gha, awowootli iyu aontye ate, matghachihchine. <sup>23</sup> Hoontyeeo khama-inditahsit naghani: nea, naghataisih atghazi ooli ootagha.

<sup>24</sup> Ahwole ayi dzinee, kaohtzut ate ayila tsookaehatayahi, sa ihewohelassi hatleke iza chu atu kaooalassi maootaghe, <sup>25</sup> Kahchu yataihchi sun ooli nakyellassi, menatsutsutti yataihchi ta ooli yatooloonassi.

<sup>26</sup> Kwa ayiti kiyueissi teze Chue yuhchidesha khoos tgha o-ochi mehnatsutsutti chu tsatinchai chu. <sup>27</sup> Kwa iiti otsiyateha yakeotihy tyiyi, kwa chu naghaghaooellassi yatghachihchine tyeatatyehchi otsi ninchi, o-ochi tike wolonhchi otsi kwa hlilon o-ochi yataihchi lonhchi.

<sup>28</sup> Kwa hooite ookaatawahti mihe ahati chiche chine tsi; kootoo kwaka matatse natsutletonh, kahchu ato nehyehta, atawahtihoo hwaza atoleh ooli: <sup>29</sup> Kooch otye naghani chu, wa-ichi tidi ooli koochninkye ate, atawahti kwa hwa ooli, tusklah koole. <sup>30</sup> Kwa hli anaghaisii, taine yahlaniyune tanane atu koolonh oolesi, aise atghe ooli tidi achahi. <sup>31</sup> Yataihchi chu tike chu o-otooesi; ahwole sezake atu woloh oolesi.

<sup>32</sup> Ahwole ayi dzinee kahchu ayi sakehchiaghali atuline atawoti, ama, atu keotihchne tyiyi yatehchi atine aghoone khachue aghoo, khatgha zon. <sup>33</sup> Tyeke naghai, ootanahi kahchu aghasuahli: ayi ihe atu atawahti kooch nawizut ate. <sup>34</sup> Tezoo Chue ali ihe tezoo yetye tontyetsi tatyeh ihe, tanito kwa kyechotyehsa, kahchu yatsiwosta yakeotichne, kahchu anetye tezoo keotihch akehe, kahchu ayehtii tusklah khaghatai ootanoo gha.

<sup>35</sup> Ayi ihe ootanahi: atu atawahtihy aontye kootoo nito kwa khaghatai naoochati, kahkachi koole, hatleke tatichi koole, tihchok otyesta zahtgha koole, hatlindo koole: <sup>36</sup> Intyizon nooja ate, atu nahoohtyeeo satyechu. <sup>37</sup> Kahchu ayi anaghaisii anetye kooyesi, Oonahi.

## 14

*Tghachyestla keneti tinti matgha.*

<sup>1</sup> Onkyeti dzinee oolesta ooli kwehlachayihi passover ahati, kahchu otles atu chehyutli; kahchu taneghaotatyechi tyiyine adusklesne chu oonkhaghanatgha oolakehe naonai nighatuhtyeli gha, kahchu kizuhelyu. <sup>2</sup> Ahwole toowe ghati, Atu kwehlachayihi dzinee eli, atu tane inchiniootyelu.

<sup>3</sup> Kahchu ali Bethany tih ma kwa oota Simon chusache ayahi, intyizon sata atsitsoo yuhchidesha tsege ayahi khluk tsye khaisis spikenard otsi o-ochi matahi natlon; kwa yataghataghiooh tsye khaisis yitii, kahchu yatsi kachi nayadinkliti.

<sup>4</sup> Kahchu tahkine atu keghaneli kooyindi ihe, kahchu toowe ghati, Yehoo gha tidi ghatsatyestka tidi khluk? <sup>5</sup> Ayi ihe ataghachulekhai ootaihchi tghakooh keoneti ketyi sooniya satsoone ihe, kahchu tyetaisanaini ghachulelakhai Kwa atu tyeswa akiyehti.

<sup>6</sup> Kahchu Jesus toowe yehti, Atu machuwahti; yehoo gha machisootahtyihch? ootaihchi oochu saatyinh. <sup>7</sup> Ayi ihe inkaa eahline tyita-isanaini, kahchueoonetye akootahti o-ochi akooyaghaklehesi: ahwole suni atu inkaa naghaasli. <sup>8</sup> Koo hatihi machitelonh otsi: ootagha yuhchidesha yuhtlhukke gha oochu nisachutyel gha. <sup>9</sup> Kwa hli anaghaisii, ooli tsi otsi tidi otich oochu moohwochatih ate tike okehe, tidi chu atii moohwochutyehesi menachutihi gha.

<sup>10</sup> Kwa Judas Iscariot, ehlahti keneti onketi matgha ihe, yinkhadesha taneghaotatyech tyiyi metihe, ooli oochadehyitli kyehodewoosh, <sup>11</sup> Oohaditsuk chi, ohtye kyehanelilon, kahchu ootagha tsi akiyehtilon sooniya yaooleti. Oonkhanatghalon tyehakehe sookah nio-otsitigha chahte autigha.

<sup>12</sup> Kahchu hatseto dzinee otles atu chihyutli, kwa ooghazehai passover, yaotatiche toowe yehti, Tyecha koodinti nataghasootaoozani ate oonsitsi passover?

<sup>13</sup> Kwa onkye tane yaotatiche yitai tyeha, toowehchu yehti, otsitahtyel nitc kwa otyiyi tsi, kwa matiti tagahazasi ehlahti teze yaalu ehlahti mehtukachatayehi taismanooch tu ihe: makehtahaz.

<sup>14</sup> Kahchu kwiyesitti, toowe ahti nito kwa kakaoodzutti, Wondi achune kwa ayiti o-ositsti passover mawotastihchne chu? <sup>15</sup> Kahchu wahih naghotyeyi ooncha tyinta ooli chelohchi soowachisunooch: Naghani gha iehi soowatahsun.

<sup>16</sup> Kahchu yaotatiche yitaghatestyetl yuhchi chu ghatatyetl nito kwa otyiyi tah, kahchu woghiooh akooyehtiii: kahchu yatagha sooghhsun passover.

<sup>17</sup> Kahchu kahkachi yuhchinooja keneti onketi matgha chu. <sup>18</sup> Ghadehtsi zahtgha kahchu eghinta, Jesus toowe ehti, Kwa hli anaghaisii, ehlahti naghai chodeh sakahtane chahte asooti.

<sup>19</sup> Kwa tyi atu keghaneli, toowe chu tyi ghati ehlaityekooh, Suni la? kahchu hligi toowe ehti, Suni la?

<sup>20</sup> Kwa ateyatetla toowehchu yehti, Ehlahti kenetye onketi matgha ihe, yaghi tila ihe setyi tsa ihkye. <sup>21</sup> Tane Chue otsidesha, takehnicatinkles akehe otye: ahwole atu oochu oontye yaghi teze tane Chue mihe atahachahi! otaihchi o-otazilon yaghi teze ihe atu niniya tah ooli ate.

<sup>22</sup> Kahchu aghatsitsoo zahtgha, Jesus otles tyes nidiooh, kahchu merci ehti, kahchu tahke yataghiyits, kahchu yayiooh, toowehchu yehti, Nitahah, mehtah: tila sazi alonte.

<sup>23</sup> Kahchu nidiooh mehtusato, kwa kayioo merci, yayiooh: kwa aghanetye ayite otsi tughatolon.

<sup>24</sup> Ahwole toowe yehtiii, Tila sa tulle alontye aduskles koonde ihe, oontlo chi otsi tyechiikhliiti.

<sup>25</sup> Kwa hli anaghaisii, atu otaihchi wostoiissi machiche chiche tu chine tsi, kwa hlilon yaghi dzinee kwa kootyinuusto Nagha Tgha nataghe.

<sup>26</sup> Ehlahti hyin eghachinooh khis Olives tsighatestyetl.

<sup>27</sup> Kahchu Jesus toowe yehti, Anahtye naghai atu oochu inditaghaisii suni ihe too hatleke: takenichatinkles akehe, Ooshalasi aspai ghaghatai haslai ite eonetye tsi natihassi aspai. <sup>28</sup> Ahwole tsitike netai ate, naghaghatuhshezi Galilee tsi.

<sup>29</sup> Ahwole Peter toowe ehti, Inkai ahwole aghanetye atu keyaneli ate, hoontye koole suni intue.

<sup>30</sup> Kahchu Jesus toowe ehti, Kwa hli anesi, tidi dzinee, tidi hatleke te, atu ka onkye otyesta tyeh tihchok, tghakooh oochit soota-ghoontyeyi.

<sup>31</sup> Ahwole otaihchi otatich hloduhsi kootieh, Ahwole nakah tanesut ate ooh, atu ihlawotatehoo oochit noodustyeysi. Kwakooye otye aghatane chu ghatihi.

<sup>32</sup> Kwa koohnaghintyetyl Gethsemane woyetih: kahchu toowe yehti yaotatiche, Nea aghasushlito sakyeh. <sup>33</sup> Kahchu yehtestyetl Peter chu James chu John chu, kahchu o-ochi inditatonne, kahchu matsun tah onkhail acha; <sup>34</sup> Kahchu toowe yehti, Setsinde o-ochi atu oochu atyetatih azetse tsi: chode ahtli naghai, kachchu ootanahi.

<sup>35</sup> Oontsutle wotaihahi otsidesha-ih, kahchu tike wozotih nwatsutooh kooyekhechi tyetaooklihasi sye makehchi nio-otsilon, ayi sakehchi ahalai yao-otsitooch. <sup>36</sup> Kahchu toowe ehti, Abba, Tyeih, atghazi

ooli tahnootsut nuni; tidi mehtutsato saone naniah: hoontye ooli atu suni koosti, ahwole nuni koodinti.

<sup>37</sup> Kwa yahchidesha, nayintyi satyi, kwa toowe yehti Peter tsi, Simon sintyi la? atu ooniila ehlaiti meochanehoo? <sup>38</sup> Oonahi kahchu aghasuhli, atu otsitawohazu inkaochatauntih. Atsinde kwa hili ootagha, ahwole khazi chintyeh.

<sup>39</sup> Kwa yitai tyesha, kahchu oghasulih, kahchu kwaka ayi zake ihe ootatich. <sup>40</sup> Kwa oondehsha tsi, yintyi satyi kahchu, (kootai ya-inkhai ihe,) kahchu atu ataooti atyekitooklih akehe.

<sup>41</sup> Kwa tghakooh yuhchidesha, kahchu toowe yehti, Kwa hwe satyih, kahchu niwotahah mehnatahy-ih: kwakoole, meochanehoo koochnaooizut; nea, tezoo Chue mataghachila taghila tsi metselineh.

<sup>42</sup> Niahtyel, yitai tawotyeli; nea, yaghi atu oochu asehti kwa hwa atih.

<sup>43</sup> Kwa kwete, kwaka ootayehchoo, yuhchidesha Judas, ehlaiti keneti onketi matgha ihe, kahchu yihtestyelooch tane natlone simakanis pyese chu mekachatayitli chu, taneghaotatyehchi metihi tyiyyi ihe, adesklusne chu hoola atityine ihe.

<sup>44</sup> Ooh yaghi atu oochu ayehtii yayiooih mehyachanisyyi, toowe ehtieh, Ootayatasihchassine wohtsiewohzyesi, ayila ayi; nintahtyeh, kahchu yitai tahtyeh tyekhe. <sup>45</sup> Itetyeh nooja ate, tsiwohzon yatsi anaatahlu, toowehchu ehti, Metihi, metihi; kwa yunchighachi. <sup>46</sup> Kwa kiyinchut, kahchu nighadintyi. <sup>47</sup> Ooh hligi ayiti naghatehyane tapyese natyese ghayaghachut, kahchu nayatehul yakeotihchi taneghaotatyehchi metihi tyiyyi, kahchu yatsakhe tyeghihyitl.

<sup>48</sup> Kwa Jesus ateyatetla, toowehchu yehti, Ihla unoosi khataachila pyese intyesi yu mekachatayitli yu tala nisataghahtyelu? <sup>49</sup> Naghaikyastaichii dzinee eonetye tyetachatlihi kwa oota taneghaodintih-choo, atu chu nisatahtyih: ahwole aduskles tyiyyi tikewokyeli. <sup>50</sup> Kahchu aghanetye kiyechodestyetl, kahchu taghohadehsut.

<sup>51</sup> Kwa ehlaiti uskye yakehtehtla, atetakhatooch chatachi takulli intyedi ati; kwa uskyegoone kiyinchut:

<sup>52</sup> Kwa kyechodyesha ayi chatachi takulli, kahchu tghihklah intyedi.

<sup>53</sup> Kwa Jesus otsighatehtyi o-ochi taneghaotatihchi metihi tyiyyi atindi: kwa ayiti atghe yeghati taneghaotatyehchi metihi tyiyyi hoolaatitine chu, adusklesne chu. <sup>54</sup> Kahchu Peter tontyetsi otsi yakehtehklalon, koole taneghaotatyehchi metihi kwa tsi: kwa yakasatah keotichne, na-itziluh khoon tsi.

<sup>55</sup> Kahchu taneghaotatihchne metihi tyiyyi atghe chu tsiwatilhne oohatakyet otsi ayi ihe atu oochu akiyuti Jesus kizuheli; ahwole atu oontsutli ohwiooh. <sup>56</sup> Ayi ihe natlone ketseli hakehe athlaghatati, ahwole atu hleoontye taghasoocha ootihe.

<sup>57</sup> Ooh tahkine nighintyatl, kahchu atu tyese akiyehti, toowe ghati ihe, <sup>58</sup> Tasitsukihih atyakehe, Chahtehaoslyeasi tidi tyetachatlihi kwa tyeti atsila kila ihe, kahchu taiti dzinee aoocha ate achu naosiasi atu kila ihe. <sup>59</sup> Ahwole aghatane chu koosoochawotihhi atu hleoontye.

<sup>60</sup> Kwa o-ochi taneghaotatyehchi metihi tyiyyi ookaze nazut, Jesus tsi taootya yehti toowe ehti ihe, Atu atyetunatla la? ye ihea ayi chahte anaghatya oontye? <sup>61</sup> Ahwole atu wotih, atula kehe chu atih. Kahchu o-ochi taneghaotatyehchi metihi tyiyyi taootya yehti, kahchu toowe yehti, Nuni la ayi Christ, ma, Chue Moohchuootaya?

<sup>62</sup> Kwa Jesus toowe ehti, Suni ayi: kahchu wahyesi tezoo Chue satah nootichintye mehnatsutsutti, kahchu yahchityesha khoos yataihchi.

<sup>63</sup> Kahchu taneghaotatyehchi metihi tyiyyi tanatunne yaghinchil, kahchu toowe ehti, Ye ootaihchi a soochawochatihhi khasootiti aontye? <sup>64</sup> Ootahtsukihih mehe atachochihliti: naghani ta kootahtya? Kwa aghanetye kooye hlaghatati tsazuheli gha. <sup>65</sup> Kwa tahkine tyekookeghizek, kahchu yani aghataghigat, kahchu nakiteghul, kahchu toowe kiyehi ihe, atanataihchi woka atawonati: Kwa keotihchne nakiteghul taghila tyiyyi ihe.

<sup>66</sup> Kwa Peter yiyue nito kwa otuyi ti ati, yuniya ehlaiti taneghaotatyehchi metihi tyiyyi yawoai tsege: <sup>67</sup> Kwa ya-i tsi Peter naiziluh, yakaitghah, toowehchu ehti, Kahchu nuni chu mehtintyelihih Jesus Nazareth otsi tatyezutti.

<sup>68</sup> Ahwole atu a kooti, toowe ehti ihe, Atu atawosti, kahchu atu atasuk atintya kehe. Kwa hadesha tyinta weswatih otsi; kwa tihchok tayidze otyesta.

<sup>69</sup> Kwa keotihche tsege kahchu ya-ih, kahchu toowe tyiyehti ayine ieti nehyane, Taila ehlaiti ayine tsi. <sup>70</sup> Kwa kahchu atu koo ooli ehilton. Kahchu kluhtai ayine ayite nazati, toowehchu ghati Peter, Nuni nooklya ehlaiti aghatane tsi, ayi ihe Galilaeen nali, kahchu kooh nakasse atih.

<sup>71</sup> Ahwole ketseliooh wotyihhi zon ohtye ootatyehch, toowe akehe, Atu atesti tai teze mama-wotahtyehchi.

<sup>72</sup> Kwa onkye tihchok tayidze otyesta. Kwa Peter kyecheetehti yaghi sa Jesus ayehtiii, Atu ka ootihoo tihchok tayidze onkye tghakooh oochit sootahoontyezi. Kwa hlilon ayiti indi ootinta, nachaihchahli.

## 15

*Tghachyestla keneti hlahcheti matgha.*

<sup>1</sup> Kwa kwete hatlindo aoclia taneghaotatyehchi metihi tyiyino aglianctye ehlakehe tsiwohonzon tsiwowatilh hoolya atitine chu adeskilesne chu hlito aonetoyo gha tsiwoghatsihi ihe ayi chu, kwa Jesus tahkiyagheskluli, kahchu achukcdehtyi, kwa kikalmihtyj, Pilate.

<sup>2</sup> Kahchu Pilate taoontya yehti, Nunila o-ochi koometih tyiyi nalila Jewne gha? Kahchu ateyatetla toowohliu yehti, Kooh tintya oontye.

<sup>3</sup> Kahchu taneghaotatyehchi metihi tyiyine chahte akiyehti ooU nation ihe: ahwole atulakehe atyeta-i. <sup>4</sup> Kwa Pilate kahchu taoontya yehti, toowe ehtie, Atu lakehe atyetanatla la? nea taitya ooli ihe chahte anaghahti.

<sup>5</sup> Ahwole Jesus zon atu la kehe aye ih kwaka; kwa Pilate kawoolih,

<sup>6</sup> Ooh ayi kwelachayihl ehlaiti yezookeh ninkho kvyeechehtyesne, ooli assine niounisit assine.

<sup>7</sup> Ayiti hligi aliih Barabbas ooyeih, ihkahtah chaghcsklu ayi yekatichi kwa akiyila indiootaunne, kootoo tane zehai ihe indiootaunne ayiti. <sup>8</sup> Kwa natlone ohtye oghatyesta tyi yatsi niioohanunit kooh hakiyulih gha kooli zon hakooyilai ihe.

<sup>9</sup> Ahwole Pilate ateyatetla, toowc ehti ihe, Kooh kootahti la naghachitulisitisi Jewne o-ochi koometih tyiyi? <sup>10</sup> Atawahtih ihe taneghaotatyehchi metihi tyiyine yatagliintsutti ihe mihe inchootsa-i. <sup>11</sup> Ahwole taneghaotatyehchi metihi tyiyine kichinagbayyh tanene, otaihai koochitootsittih Barabbas.

<sup>12</sup> Kooh kahehu Pilate ateyatetla toowehchu yehti, Takootahtya oslihasi kooh yachi o-ochi koometih tyiyi Jewnu woyi?

<sup>13</sup> Kahchu toowe hakehe oghatesta, Klaniaitih ninihtyeh.

<sup>14</sup> Kahchu Pilate toowe ehti, Ye tahtye ketselihoo atyuntye? Kahchu ootailichi o-ochi oghatesta, Klaniaitih ninihtyeh.

<sup>15</sup> Kwa Pilate tane gha kasootati chatupisha gha, yakahninooh Barabbas assi, kahchu Jesus taghinchut, yakhataghitoos, klaniai nichuhtyelu,

<sup>16</sup> Kwa simakanisne otsighateli tyi tsiwatyehli kwa, Praetorium wotsatiti; kwa tyechi kiyehi ihlakehe atghe simakanisne. <sup>17</sup> Kwa natunne taghaghintyi aghapai tatulli ihe, kahchu kiyesklulo o-ochi metih tyiyi chahte hoos chok chine ihe, kwa ita tsi gha ghiooh, <sup>18</sup> Kahchu tyi yila ooghatthoon toowe, Yea mehsuchaneyi, o-ochi kookaonazut Jewne. <sup>19</sup> Kahchu nakidehul yeti chokhaiye chok ihe, kahchu kikighizek, kwa yatsitaghatsunne ootooghanehzil yatsi nachusghataklihl <sup>20</sup> Kahchu kiyachatyel atghe tatulli nighadinchus, kwa yanatunne taghintyetyl, kahchu ghooghatehtyi klaniai tih.

<sup>21</sup> Kwa kitahnaghsut ehlaiti Simon Cyrenian ali, ayi kwo noojai, tane natihti otsi Jiadesha, kootgha Alexander chu Rufus chu tahchiyatyilyu klaniai. <sup>22</sup> Kwa nakiyintyi Golgotha tsi, ayi tsati, Atsitsunne ooli te. <sup>23</sup> Kwa kiyayiooh tyewootoo chiche chok tu mathuchunihklito myrrh: ahwole atu niyadiooh. <sup>24</sup> Kwa klaniai nikiyinti tsi yanatunne ataghahaistla kikaootehunni ihe, ye anetye teze nitiolola.

<sup>25</sup> Kahchu oolital tghakooh mehoachanehoo awatazoo dzinee ooli klaniadi nikiyinti tsi. <sup>26</sup> Kwa achatyesklesi ayiti otsi chahteachatei takehnichanikuchi ookeh. O-OCHI KOO METIHI TYIYI JEWNE.

<sup>27</sup> Kahchu onkyetine chu klaniadi nighanihtye unoosine; ehlaiti noohtechintye, ooh hligi chu oosklaghazihyte. <sup>28</sup> Achudesklessi tyiyi tikenikyih, kooh woti, Kahchliu metseline kah kachanehtyeh. <sup>29</sup> Ooh ayine kweghatilhne ayiti oontlochi kiye sootatyihch, tagliatsi ghaghado, toowehchu ghatai ihe, Gha, nuni chahta wonatla tyachtatlihi kwa tyiyi, kahchu aonatla taiti dzinee, <sup>30</sup> Aghatinta, kahchu yulichinootinta klauiai tsi. <sup>31</sup> Aghatane chu o-ochi taneghaotatyeh metih tyiyine onlonchi akiyehti ihe toowe hlaghatati ihe adesklesne chu, Nayaghehta achune chu; atai koochati atu aghatatah. <sup>32</sup> Oonka Christ o-ochi koometih tyiyi Israel kwa hoote klaniai tsi noodoojai, wowoti khai kahchu a kootahti. Oo ayi yakah klaniadi yakah atii yataUhlon.

<sup>33</sup> Kwa inchitakooh klodesha sa kehchi ehalai koonaoozutooh, hatleke aochaii tike okehe kwa hHlon kalaketi klodesha sa kehchi ehaiai. <sup>34</sup> Kwa kalaketye sa kehchi ahalai klodesha, Jesus otyesta takaseneodi, toowe ehti ihe, Eloi, eloi, lama sabachthani? ayi tsati ihe Saghintai, Saghintai, yehoo gha sechanila aontye.

<sup>35</sup> Ooh tahkine ieti nehyane, ooghatitsuk tsi, toowe ghatai, Nea, Ehas kawotih.

<sup>36</sup> Kahchu ehlaithi otsidehta, kahchu tsifo yeatatih atihih tayatohman sootakan chiche tu ihe, kahchu nayiooh klokhayetgha, kahchu yayiooh tuwoto gha, toowe ehti ihe, Atu kinditaghaha; oonka oohwoti Elias nayaghintyi kha.

<sup>37</sup> Kahchu Jesus otysta ohtye ati, kahchu matsinde kwa yecheli.

<sup>38</sup> Kwa ayi hlichatinkatii tyetachatlihi kwa otyiyi intyizon tghahkyehchi wotype cheghinchil yataihchi ctis yiyue otsi. <sup>39</sup> Kwa kootoo ayi simakunis metihi, ooghade nazutih. wa-i kooakehe otysta, kahchu yatsinde yechelihooh, toowe ehti, tyewotye tune teze Nagha Tgha Chue ghilelon.

<sup>40</sup> Ayiti oohwiliih tsegene ehu tontyctsi otsi ookhaghanehtgha: atai chu iiti atiih Mary Magdalene, Mary chu ma James ooa etanoohlihi kahchu Jose, Salome chu; <sup>41</sup> (Aghatane chu, Galilee atichi, kikehtyeshaii, kahchu ooli kooyaalih ine;) achune chu natlone tsegoo yuhchi kooyehkyatehch ine Jerusalem tsi.

<sup>42</sup> Kahkachi aoocha tsi, ayi ihe intyizon dzmee tsi watsehlu ayi dzinee Manejitti dzinee tsi ooh, <sup>43</sup> Joseph Arimathaea otsi tazehlu, tsatincha tsiwatilh, atune chu ootakah ali Nagha Tgha nataghe, yuhchidesha, kahchu tadzye natsutih seoh Pilate kahkwiya, kahchu Jesus zi ootakyet. <sup>44</sup> Kwa Pilate khawooli kwa tehsalo ate: kwa simakanis metihi tyechi yehti, tauontya yehti tontyeto ghaite chu tehsutiih. <sup>45</sup> Kwaatawatih tsi simakanis metihi yatati, tazi ghiooh Joseph. <sup>46</sup> Kwa ataghoola tsatache oochu takulle, kahchliu nooyaghintyi, kaliclm ayi tsatache ii ihe yehtooniehtich, kahchu niyanihtyi natine kwa oota tsyekas tayaghintyi, kahchu tsye otsiyehail toosklahchi natine kwa. <sup>47</sup> Kwa Mary Magdalene kahchu Mary Jose ma oohwa-ih nichanihtyinti.

## 16

### *Tghachyestla keneti edzetaiti matgha.*

<sup>1</sup> Kwa Menejitti Dzinee kawohtzut tsi, Mary Magdalene, kahchu Mary James ma kahchu Salome, ataghaghila yu natunetgha tsehklutti, kwa yuhchighatatyel ate yu ihe kiyuhklukoo. <sup>2</sup> Kwri o-ochi hatse hatlindo ooli hatse dzinee, koohnioonizuiooh natine kwa otsighatestyel sa niya tsi. <sup>3</sup> Kwa toowe hlaghatati, Mea tsye yughaii aontye natine kwa tustla otsi?

<sup>4</sup> Kwa koo ookahanehtghachi, oogha-ih tsye achuhchi nichunihaalo: o-ochi ghinchai ihe. <sup>5</sup> Kwa kwegliaghintyethlooh native kwa oota, kiya-ih ehlaithi uskye noohtichintye chisinchi sata, tasata natyesooh makestue takulooh: kwa oonighanintyeth.

<sup>6</sup> Kwa toowe yehti, Atu oonighatyel: Minkhanatgha Jesus Nazareth otsi tatyetzutti, klaniai nichanihtyiii: tsitike ghinta-ih; atu chode ali; nea nighamhtyintiii. <sup>7</sup> Ahwole ootahtab, yaotatichne tatahtih Peter chu naghaghadesha Galilee tsi: ayiti wahiissi, naghatakyakehe.

<sup>8</sup> Kwa kwete khooghatastyel, kahelm natine kwa otsi tsmtestyeth; yaghatilonlon ihe kahchu khaoghali ihe: kahchu atuline atula kehe akiyeliti; oonighanintyethlon ihe.

<sup>9</sup> Kootoo Jesus niyaii kwete hatse dzine tsiwatselhu, hatse yuhniya Mary Magdalene, ayi taiuchi atsmde metselihi yazi otsi hayateha-ii. <sup>10</sup> Kwa yatatilon ayine yehkyatehchiine, tsukye atu yaghita zahtgha kahchu ghutsakooh <sup>11</sup> Ooh ahatane, ooghatitsuk tsi ghata, kahchu ya-ilon atu a kooghati.

<sup>12</sup> Ayi keh yuhniya achu akelie ouketye agha tane Ihe, ghataihlu zahtgha, achu tike tsi otsighataihlu. <sup>13</sup> Kwa kitati achune: kahchu ama kiyehiti ayine.

<sup>14</sup> Atyechi yuhniya keneti ehlaithi matgha aline ghiskyeh eghehta ootype, kwa yachiotatyech majih oontooei kha kahchu yadzye natsutti kha atu a kiyuti ihe ayi yakehtghaii tsitike nesta.

<sup>15</sup> Kwa toowe yehti, Otsitahtyeth tike okehe matatahti obicn oociiu anetye tane. <sup>16</sup> Ayi a kootyethi kahchu tumakechaghinkliti nachawohtyeth; ahwole yaghi atu a kootyethi cliahta chuleesi. <sup>17</sup> Kahchu tidi yachanahai yakeh ootoohsitassi ayine a kootine; Sindizi ihe kehchi ghakitooolelassi atsinde metselihi; oogliatooyehchassi atsoodi koondi ihe; <sup>18</sup> Nootuze nighatoohtyehlassi; oolita tughato ate chu azetse ahi, atu kootoohtihassi; kikatootiassi yatitihne, kwa oochu nakiyaooliteissi.

<sup>19</sup> Kwa Naghaghatai sakyedesutooh, yatati otsi nichatihtyi, kahchu sata-ih Nagha Tgha noohtichintye. <sup>20</sup> Ahwole achughatestyeth, tike okehe tane chiwoghatihi ihe, Naghaghatai kahkeoghathichoo, kahchu sa natsut oola kaootsoli chu intghaninkhi. Amen.